

१४८

दर्ता नं.:४८/२०७६/७७

पुर्खा दय्क तकगु सम्पत्ति, भोगु कला व संस्कृति
पिकाक-भक्तपुर नगरपालिका



पुर्खा दय्क तकगु सम्पत्ति, भोगु कला व संस्कृति

स्वयं

नेपाल संवत् ११४५ थिला गा: / २०८१ पुस १५ / 2024 Dec. / ल्या: १२२, दाँ:७



स्वयं महोत्सव २०८१
तः जिक कथचाल

नेपः या लागिं चीनया महामहिम राजदूत घन सोङ् ख्वप
महोत्सव स्वयो दिसे (२०८१ पुस २८ गते)



धी धी जनप्रतिनिधिपुं ख्वप महोत्सव खः भाल



; DkfbSlo

@*! k! !%, C^a\$!\$, jif&

स्थानीय तहया अधिकार छ्यय्केगु बचं बियमः

प्रधानमन्त्री खड्ग प्रसाद ओली जुं संविधानं क्यंगु अधिकार स्थानीय तहता वियता सरकार तयार दःगु खाँ काडः दिल । गाउँपालिका महासंघ, नेपाल नगरपालिका संघ व जिल्ला समन्वय सामतिया महासंघया प्रतिनिधिपिनिगु 'ध्यानाकर्षण पत्र' लःल्हाडः कासे प्रधानमन्त्री ओली उगु खाँया बचं ब्यगु खः । स्थानीय तह महासंघ व संघया प्रतिनिधिपिसं पुसया १२ गते प्रधान मन्त्री निवास बालुवाटारय् वाडः प्रधानमन्त्रीता ध्यानाकर्षण पौ लः ल्हागु खः ।

संविधानं संघ, प्रदेश व स्थानीय तहया बिस्कं बिस्कं अलय साभ्का अधिकार ब्यगु खः । संविधानं ब्यगु अधिकार बियता मखु छ्यय्केत प्रतिवद्धता याय मःगु खः । स्थानीय तहया अधिकार संघं छपला - छपला याडः लाकः काय्गु नपां कानून दयकः स्थानीय तहता म्हुछियगु कुतः जुयो च्वंगु दः । व संविधान व संघीयताया भावना व मतिया अखः खः ।

संघियताया अर्थ स्वायत्तता व अधिकारया विकेन्द्रीकरण खः । स्थानीय तहं थःगु अधिकार दुनयया विषयलय् कानून दयकेगु व छ्यलयगुलि नं स्वतन्त्र खः । अलय केन्द्रीय सरकारं चिच्या- चिच्याहांगु बजेटय् तक नं स्थानीय तहया थी थी योजनाया नामय् छख्य लिङ्किगु चलन दः । योजनाया सिफारिस स्थानीय तह पाखं कायो योजना ल्ययगु संघ सरकारं याड्गु, थजगु ज्यात नं जुयो च्वंगु दः । स्थानीय तहया जनप्रतिनिधिपिसं विशेष अनुदान अपलं तयो सःशर्त अनुदान म्हवचा याय माला दक माग याडः वगु खः । अलय सरकारं धःसा ससर्त अनुदान अपः तयो विशेष अनुदान म्हवचा याडः च्वंगु दः ।

संघ व प्रदेश सरकारं बिस्कं बिचः तैगु स्थानीय पालिकातयूता बजेट छख्य लिङ्केगुलिनं याय ज्यूक्व पक्षपात याडः च्वंगु दः । आ.व. २०८०/८१ सं नेपाल मजदुर किसान पार्टीया जनप्रतिनिधिपिसं न्हयलुवा याडः च्वंगु ख्वप नगरपालिकाता संविधान व कानून बमोजिम मब्यूसंमगागु समपूरक व विशेष अनुदान हे मब्यूसं सिय दय्क हे पक्षपात याता । बागमती प्रदेश सरकारं यागु थ्व पक्षपातपूर्ण व्यवहारया विरोध जनप्रतिनिधिपिसं मदिक्क याडः वयो च्वंगु दः ।

मा.वि तगिं अथेधाय् हिंन्यगू तगिं तकया फुक्क जिम्मेवारी स्थानीय तहता संविधानं बियो तःगु खः । नेपःया संविधान काथं अधिकार दः सेलिं अपलं स्थानीय तहं शिक्षाख्य बांलाक हःगु दः । ब्वंकय् मफूपुं गुलिं शिक्षकपिन्ता मेगु हे जिम्मेवारी बियगु, हाजिर जक जुयो राजनीतिक पार्टीया भ्रन्डा ज्वँ जुड्पिन्ता स्पष्टिकरण काय्गु, व ब्वनयकूथिसं मच्चंसं मगाक तयगु थजगु ज्या याडः हःसेलिं शिक्षक महासंघं शिक्षाया जिम्मेवारी स्थानीय तहता बिय मज्यू धायो आन्दोलन हे याता । अलय उब्लेया शिक्षा मन्त्री देबेन्द्र पौडेलं महासंघया मागकाथं कानून हिलयगु बुँदा तयो संविधानया अखः सम्भौता नं याता ।

स्थानीय तह जनतानपांया सरकार जुगुलिं स्थानीय तहता अभ्क अप अधिकार बियो जनताया अपुक सेवा बिय फयक याय मःगु खः । स्थानीय तह स्वायत्त सरकार जूगुलिं छु नं सरकारं थुकिता क्वन्त्यल, अधिकार लाक काय्गु छुं काथं नं पाय्छि मजु । संविधानं बियो तःगु नीन्यगू अधिकारता व्यवस्थित याडः छ्यय्केगुलि संघ सरकारं मः काथं अः पुक बियगु थौं या माग खः, आवश्यकता खः । प्रधानमन्त्री केपी ओली धःथें संविधानं ब्यगु अधिकार बियता मखु छ्यय्केगु बचं सं प्रतिवद्धता जुयमः ।

पिकाक-ख्वप नगरपालिका/सम्पादक-आशाकुमार चिकंबञ्जार, डेस्कटप-धन लक्ष्मी त्यात, आवरण सज्जा-रेणु ध्वज्ज, थाकू- भक्तपुर अफसेट प्रिन्टर्स फोन ल्याः ०१-६६१३०४३, इ-मेल- khwopapau@gmail.com

कला संस्कृति ल्यंकः ग्वाकः भिंकः तयगुलि न्हँगु पुस्तां थःगु कर्तव्य भः पियो च्वंगु दः



नेपः दे पूर्वया छगू पुलांगु दे खः । थौं तक नेपः मि पिसं देया थी थी भाय, कला, संस्कृति, साहित्य व थः धायगु भावना पिज्वयकः च्वंगु दः नपां ल्यंकः ग्वाकः तयगुलि मदिकक हज्याडः च्वंगु दः । थजगु भिं ज्याखय् खप दे व जिल्लाया जनतात मदिकक हज्याडः च्वंगु दः । खपया जनतां थःगु मूर्त व अमूर्त कला-संस्कृति, भाय् व साहित्यता नं ल्यंक ग्वाकः तयो तःगु दः ।

छगू छगू भाय् व संस्कृति, भेषभूषा (तिसा वस) नपां वास्तुकलाखय् नपां थः च्वडागु थाय्या भूगोल व सभ्यताया चिं दै । खप देया थौया कला संस्कृति व सम्पदात ल्यंकः ग्वाकः तयगु ज्यायाता न्हँगु पुस्तां थःगु कर्तव्य भः पियो च्वंगु दः । थुकी कला व संस्कृतिया स्यंभिं ल्हवनय्गु, दानय्गु व ल्यंक तयगु ज्याखय् खप देया जनतां ज्या ग्वाहाली बियो (श्रमदान) व थःथःगु गच्छे काथं चन्दा नपां बियो चां न्हिं मधसें दुःख सियो च्वंगु दः । थजगु ज्यायाय्गु ध्वासा, ऐन कानून, धेबा, लबः

व लोभं भुडः मखु बरु देश व जनताया निःस्वार्थ जुयो सेवा याय्गु कर्तव्यं ग्वाकः यंकय्गु मानवीय भावनां जःगुलिं खः ।

सिद्धान्तकाथं स्थानीय पालिकात प्रजातन्त्रया लिधंसा खः । स्थानीय पालिकाया जनता व जनप्रतिनिधिपुं देश व जनताया निःस्वार्थ जुयो सेवा याय्गु भावनां ग्वाकः मजुपुं गां, नगर जिल्ला, प्रदेश व केन्द्रया थी थी निकाय, कार्यालय, विभाग व मन्त्रालयसं भ्रष्टाचार मज्यू मज्यूगु ज्या याइगु व अख्तियार दुरुपयोगया थी थी कानूनी व नैतिक न्ह्यसःत दाँ वयो च्वंगु दः । नेपःमिपिनिगु थःगु अनुभवं धाई-राजनैतिक दल व नेतात थें शिक्षालय व शिक्षकपुं गुल्लेतक चिच्यामन व चिच्याहांगु स्वार्थय् लुकुबिड, च्वनि उल्लेतक देश व जनताया मति व इच्छा पू वानि मखु ।

देया छुं भाति अर्थशास्त्री पिसं मेपिन्के लाहाफयो देश विकास याय्गु मति तै अजगु मति नीदा, नीडादा, हाँ हे भीगु देशय् असफल्यु धुंकगु खः । मित्रराष्ट्रपिसं

नेपाल व नेपः मि पिन्ता ब्यूगु अपलं आधुनिक कल-कारखाना, उद्योग व सेवाया ज्याभःत छगू छगू याडः म्यू म्यू म्व मरु थाय् मखु थाय् छ्यलः निजीकरण यायां नेपः मि पिन्ता अजुचाय्कु अपलं भीगु हःनय् दः ।

गां, नगर, जिल्ला, प्रदेश व केन्द्र नपांनं नेपः व नेपः मिपिन्ता थःगु देशता हे थःगु तुतिखय् थानय् मः धायगु भावनां मग्वाकः सें विदेशीया भरय् व कतया खाँजक न्यडः जूसा ८० लाख ल्यासे ल्याम्होपुं विदेशय वानय् मःगु स्वयो तःतः हांगु दुर्दशात भीसं फयमाली तिनी ।

नगरपालिकाता विकास जुय मलानिगु राणाकालया इलयया पालिकाथें याडः स्वयगु तस्कं अनुदारवादी विचार थें जुई । नपां 'नगर राज्य' या खायें विश्वविद्यालय व महाविद्यालयया विकास पुडुकः तःगु (खुल्ला पुस्तक) साफू थें या विषय खः । उकिं खपया जनतां खप विश्वविद्यालय विया जक हाल च्वंगु ता ई

सच्छिव स्तीच्यागूगु खवप पौ. ब.छि पौ(पाक्षिक)

जाल थुकिया खाँ बुद्धिजीवीपिनिगु दथुई छलफल जुयमः ।

मानव सभ्यताया खाँ थुईकेता विश्वविद्यालयया प्राध्यापक पुं म्यूजियम व संग्रहालय वाड ब्वनयगु याई । जीवशास्त्र ब्वनयता चिडियाघरय वानि । चित्र कला, वास्तुकला व संस्कृतिया अध्ययन यायता, सांस्कृतिक नगरय वयो स्वः वई । तारा (नगु पूचः) मण्डल, ग्रह आकाश गड्गाया खाँ थुईकेता छगू छगू नगरय प्लानेटोरियम व नक्षत्र अध्ययनशाला दयके मः ।

२०४८ सालनिसे हे संसदय खवप देता 'सांस्कृतिक नगरी' क्व छियगु व कार्थछिंगु व फःथाय नगरय प्लानेटोरियम व नक्षत्रशाला तयमःगु खाँ बय बय यागु खः । सांस्कृतिक नगर क्वः मछ्यूतलय छँ दानदगुलि फुक्क नगरय लागु जुइगु ऐन कानून बाहेक निश्चित पहः (शैली) व मापदण्ड लागुयायता जनताता मग्वाकसिं मगा । छलफल व अनुभव मगागुलिं

थुकियालागिं देशं मःकाथं ऐन कानून दयकेता लिपालागु मति तयो च्वंगु दः ।

स्थानीय तहया विकास निर्माणया ज्याखय् ठेक्का बिलकिं ठेकेदार पिन्के स्थानीय कला-संस्कृति नपां प्राचीन (ऐतिहासिक) सम्पदाया ज्ञान मदैगु नपां लब जक स्वइगुलिं अजपिन्ता ठेक्का बिलकिं खवप दे, मेमेगु नगर व जिल्लाया कला व सम्पदात स्यंकः दानिगु व न्हांक छोइगु अपलं सम्भावना दै । उकिया दसु मध्ये छगू श्वहे हःनयया पशुपति (यक्षश्वर) महाद्योया देगः खः । उकिं थजगु खाँ सरकाया स्वापु दःगु निकायं ध्यान तयमःगु खः ।

दकलय लिपा, खवप नगरपालिकाया प्रमुख, जनप्रतिनिधिपुं, कर्मचारी व ग्वाहाली यापुं सकलें पासापुं डान्ह्या खवप महोत्सव ग्वसः ग्वयो विदेशी पासापुं देया थी थी संघ संस्थाया पासापिन्ता नपां खवप देया कला-संस्कृति व सम्पदात

ल्यंक भिंकः, म्वाकःतःयगु ज्या याडः च्वंपुं धरोहर तयगु अध्ययन, भ्रमणया मौका ब्यगुलिं सुभाय देछायो च्वडा । आशा नपां विश्वास याय- खवप नगरपालिकां जनतानपां छप्या छधि जुयो अज थःगु सेवा, कर्तव्य नपां विकास निर्माणया ज्याखय् न्हँ न्हँगु उपलब्धी याडः यंकयगु ज्या सुथं लालां वानय् फयमः ।

खवप नगरपालिकाया 'सांस्कृतिक महोत्सव' या इवलय् देशं दुनय् व देशं पिनय्या अपलं पासापुं नपां नपालायगु मौका ब्यगुलिं खवप नगरपालिकाया प्रमुख, जनप्रतिनिधि पासापुं सकलसिता सुभाय देछाय् ।

(खवप नगरपालिकाया ग्वसालय जुगु खवप महोत्सवया उलेज्या ज्या इवः सं नेपाल मजदुर किसान पार्टीया नायोभाजु नारायणमान बिजुक्छें (रोहित) जुं मंसिर २८ गते बियो द्यगु न्वचुया भाय हिल्ला -सं.)



‘खवप महोत्सव छगू खुला विश्वविद्यालय थें जुई’



सांस्कृतिक नगर, नाचगानया राजधानी, जीवित (म्वाडः चवंगु) संग्रहालय काथं म्हासिइका पिबवयो वयो चवंगु खवप देशय् मसिर २८ गते निसें पुस २ गते (डान्हुया) तकया खवप महोत्सव जुइगु जुल। महोत्सव तःजिक हानय्ता भायो द्यूपुं सकलें खवपया दाजुकिजा, कका, बाज्या, तताकेहेंपुं सकलें, देशं दुनय व देशं पिनयया सकल पासापिन्ता खवप नगरपालिका पाखं दुनुगलं निसें लसकुस।

खवप दे कला व संस्कृतिया म् थाय् काथं हज्याडः चवंगु दः। थाना लिच्छवीया पालाय्गु व मल्लया पालाय्गु यक्व यक्व मूर्त व अमूर्त सम्पदाथ गथे खः अथेहे जीवन्त स्वय दै। लायकुलि चवंगु डन्डपा इयो व लुं ध्वाका, तः मारीया ३२० दा स्वयो अपःपुलांगु डातापोल्हें देगः व भैल देगः, व

तचपालय्या दतात्रय देगः, काष्ठकला, धातुकला व प्रस्तरकलाया ज्वः मरुगु दसुत खः। त्वालय्-त्वालय्या दाफा भजन, पुलां पुलांगु परम्परागत प्याखं त, बाजातय्सं खवप देता सांस्कृतिक रूपं तस्कं तःमिगु थाय् याडः ब्यूगु दः। खवपय् चवंगु थजगु हे सम्पदाया चवजायकः ल्यज्या यासे सन १९७९ सं युनेस्को तःमाही व लायकुलागाता विश्व सम्पदाया धलः खय् नां जायकगु खःसा बजार लागाता सम्पदाखय तःगु खः।

खवप देया थःगु पहः मौलिकता ल्यकः म्वाकः तय्ता खवप नगरपालिकां पुलांगु थाय् (सहर) दुनयँ भीगु थःगु मौलिक पहः परम्परागत शैली छँ दांपिन्ता अनुदानया व्यवस्था, परम्परागत छँ दानिपुं सिंकःमि व दकःमिपिन्ता तालिम व सम्पदाया महत्व न्हँगु पुस्ताता स्यडः काडः यंकः थुइके बियता स्थानीय पाठ्यकमया व्यवस्था याडः वयागु दः। भीगु भाय् व संस्कृति हे भीगु म्हासिइका खः। भाय व संस्कृति ल्यकः म्वाकतय मफुसा भीगु म्हासिइका नं तानय् फः। थजगु ज्याखायँ नगरपालिका तस्कं सचेत जुयो चवडागु दः। सम्पदात गथे खः अथेहे याडः उकिता मौलिकता म्वाकः तय्गु भी सकल खवपबासी पिनिगु मंकः कर्तव्य व जिम्मेवारी खः।

२०७२ सालया तःभवखाचां खवपया द्रलंद्र छँ व सलंस सम्पदात स्यंकः थुडः बिल। भी पुखां दय्कः तकगु अजगु स्यंकः थुडः ब्यूगु अपलं सम्पदा विदेशी तय्के ध्याछ धेबा हे मकः सिं पुलांगु पहलय् हे ल्हवनय् कानय् व दानय् धुंकय न्हँ। थंथु दरवार इखालाछी मथ थजगु छगू नेगू महत्वपूर्ण सम्पदात दाडः चवडागु दः। सम्पदा ल्हवनय्गु वा दानय्गु ज्याखय्

स्थानीय स्रोत साधन व प्रविधित अपलं छ्यलः चवडा।

आर्थिक अनुशासन, पारदर्शिता व इमानदार जुयो जनताया सेवा याय्गुभावना खवप नगरपालिकाया जिपुं जनप्रतिनिधिपुं हज्याडः ज्या साड चवडा। शिक्षा, स्वास्थ्य उपचार सुचुकुचु, सम्पदा ल्यकः म्वाकः भिक तय्गु ज्याखय् नपां विकास निर्माणया ज्याखय् नपां जनताता मु थासय् तयो ज्या न्हयाक वया। इमानदार राजनैतिक न्हयलुवा, जनप्रतिनिधि, स्थानीय जनता व कर्मचारीपुं नपांया क्वातुगु स्वापुं छप्पा जुयो वांसा मथां ह्युपा ह्यफः धाय्गु छगू दसु खवप दे पाखं सिइके फः।

खवप देता पर्यटकपुं छकः स्वः मवसें मगागु गन्तव्य स्थलकाथं हछ्याड यंकय्गुलि जिमिगु मन क्वसाल चवंगु दः। अःदायँ लाखौं पर्यटकपुं खवपय् चाह्यु वैगु जुयो चवंगु दःसा देशं दुनयया आन्तरिक पर्यटकपुं नं भन भन द्रहँ वयो चवंगु दः। नेपः देशय् वैपुं पर्यटकपुं मध्ये प्यबव्य छव पर्यटकपुं खवपय् वैगु ल्या पिबवयो चवंगु दः। खवप महोत्सव स्वदेशी व विदेशी पर्यटकपिन्ता सालय्गु छगू लिधंसा जुइगु जिमिगु आशा खः।

खवप महोत्सवया इवल्य खुला बाँसुरी बाजाया धिंधिं बल्ला नं जुई। देया थी थी जिल्लाया ४७ थव बाँसुरी बाजा पुचःलं व्वति कःगु उगु बाँसुरी बाजा पुचलं व्वति कःगु उगु धिंधिंबल्ला महोत्सवया छगू स्वय बहगु ज्या जुई।

खवप नगरपालिकां थुगु महोत्सबय् नगरया हिगुंतुं वडा दुथ्याक, ३२ गू थासय् महत्वपूर्ण ज्या इवःत याय्गु थाय् क्व. छिगु दः। त्वालय-त्वालय भजन हालय्गु, हलिमली ववयगु, परम्परागत जात्रा,



भेषभुषा व कासा ब्वज्या जुईसा खपया थः थायगु मौलिक उत्पादनत जुजुधौ, ताइचिनया बजी, तका तपुली, हाकुपरासी, नेवः नसा त्वँसा, साफू ब्वज्या, बाल मैत्री (मचाक्यबः) ब्वज्या, थजगु ज्याइवः नं जुई । नेवः समुदायया संस्कार, तजिलजि, कला ब्वज्या, चवया क्पिा ब्वज्या नं जुईसा थाय् थासय् दीपड्कर ब्वज्या, न्हपान्हपा याडः वां काथंया बजी ल्हुयगु, थाज्या थायगु, चाभाला छियगु, साफू ब्वज्या, सहकारीं पिकःगुवस्तुत ब्वज्या नपां थाय् थासय् प्याखंत क्यडः च्वनि । खप नगरपालिकापाखं चाय्क तःगु खप इञ्जिनियरिडग कलेज, खप कलेज अफ इञ्जिनियरिड व खप कलेजय् नपां ब्वनय् कुथि सं शैक्षिक ब्वज्या जई । थुगु इलय् नगरजाय्क महोत्सवमय जुयो छताजिं नखा थें जुई । महोत्सव स्वः भ्नाइ पिसं खपया मौलिकता धात्थें खय्क स्वय् दै ।

ब्वनामिपुं, ब्वंकिपुं शिक्षक, प्राध्यापक नपां सर्वसाधारण जनतातय्ता

नपां खप महोत्सव सयकेगु थाय जुई । धात्थें खयकःखप महोत्सव ज्वः छि खप दे छगू खुल्ला विश्वविद्यालय काथं जुइगु जिमिगु विश्वास खः ।

खप नगरपालिकाया ग्वसालय जुयो च्वंगु खप महोत्सव खपया जनताया मंकागु महोत्सव खः । थुकिता तःजिक हानय्गु नं भ्नी सकलसिया साभ्ना कर्तव्य व जिम्मेवारी खः । थःगु तुतिखय् हे दानय्गु खौं याता बः यासे ज्या याडः वगु खप नगरपालिकाता हज्याय्ता मदिक्क साथ व ग्वाहाली याइपुं थानाया द्रलंद्रग्वाहाली याइगु लाहात हे जिमिगु ज्या याय्ता ग्वाकिगु बः खः ।

‘छखा छँ छम्हा स्नातक’दय्केगु खौं क्वछिडः खपया शैक्षिक लागाय् हयूपा हय्ता महत्वपूर्ण योगदान याडः द्यूम्हा नपां सच्छिदा लिपाया खप दे नांगु साफू च्वयो खप देया कन्हेया खः च्वयो द्यूम्हा अलय् मदिक्क खप दे हछ्याय्ता सल्लाह व सुभ्नावत बियो जिमिता न्ह्याबलें निः

स्वार्थ जुयो जनताया सेवा याय्ता घ्वासा बियो दीम्हा नेपाल मजदुर किसान पार्टीया नायो भाजु नारायण मान बिजुक्छँ (रोहित) जुं याता खप नगरपालिका पाखं दुनुगलं निसें शुभाय् देछायो च्वडा ।

खप दे च्वजाय्केता न्ह्याबलें साथ व ग्वाहाली याडः च्वनिपुं खपया इमानदार ज्यासाडः नैपुं जनतातय्ता नं सुभाय् दे मछसैं मगा । खप देता ज्ञान विज्ञानया मू थाय्, सुचुकुचु खप दे, सम्पदा ल्यंकः म्वाकः तय्ता न्ह्याबलें ग्वाहाली नपां कुतः याडः द्यूपुं न्हयलुवापिन्ता उच्च सम्मान याय् । डान्हूतक जुइगु खप महोत्सव स्वयो मचः मगागु खौंया रचनात्मक आलोचना सुभ्नाव व सल्लाह बियो ग्वाहाली याडः दियता सकलसिता दुनुगलं निसें इनाप याडः च्वडा ।

(खप नगरपालिकाया ग्वसालय जुगु डान्हूया खप महोत्सव उलेज्या ज्याइवः सं नगर प्रमुख सुनिल प्रजापति जुं बियो द्यूपुं न्वचुया भाय् हिला- सं.)

खवप महोत्सवसं खवपया जनतां खवपया थःगु पहः पिबवत



नगर प्रमुख सुनिल प्रजापति

चवमि भाजु तेजेश्वर बाबु ग्वंगःया 'मै एक मै अनेक' साफू पिता ब्वज्या जुलसा पुस २ गते लिपांगु दिनसं ' विगतमा भक्तपुर' विषयसं अन्तर संवाद ज्या भ्वः खवप इन्जिनियरिड व खवप कलेज अफ इन्जिनियरिड दँ बुदिया लसताय सिरपा लः ल्हायगु ज्या भ्वः व खवप महोत्सव २०८१ या क्वचःगु ज्या भ्वः याडः चवडा ।

खवप नगरपालिकां देशं दुनयया पर्यटक पिनिगु मन क्वसायकः खवपय सालयगु मतिं इलय व्यलय 'घरेलु उत्पादन प्रदर्शनी, योमारी उत्सव, बहाबही म्हासिडके पुखुली पदयात्रा' थजगु ज्याभ्वः ता याडः वगु दः । व फुक्क देशं दुनयया पर्यटक पुं सालयगु ज्याभ्वः खः । खवप महोत्सव उकिया कथहं खः ।

खवप महोत्सवता जिमिसं सकल खवपबासपिनिगु मंकः महोत्सवकाथं हछयायगु कुतः याडा । सकल खवपया जनतातयता थःथःगु सीप, थःगु पहःया मौलिक विषयता ब्वयता इनाप याडा । वहे काथं थानाया जनतां थम नं हे विचःयाडः थःभःपियो मंसिर २८ निसं पुस २ गते तक डान्हूयंक ग्वाहाली याता । उकिया नितिं खवप नगरपालिकापाखं सकल खवपया जनताता सुभाय देछायो चवडा ।

जिमिसं स्वीनेगूमू मु थासय थाय क्वःछिडःब्वज्या यायगु व्यवस्था याडा । मेमेगु थासय थःथमं स्वयो ज्याभ्वः दयक ब्वज्या यायता इनाप याडा । अःतक धःकाथं १७६ थासय थी थी ब्वज्यात नगरबासीपिन्ता पिब्वगु खानय दः । उकिया लागिं नं सुभाय देछाय । खवप महोत्सवया लसताय नेपाल दकलय न्हःपां सिटिड भलिबल न्हितकेगु रेकर्ड तयता नं तःलात ।

महोत्सव खवपदे गथे च्वंदक क्यनयगु ई जूइ दक जिमिसं धायगु खः । धाथें हे खवपया जनतां भ्नीगु थःगु पहः मौलिकता क्यडः खवपया म्हेगःव थौया पहः क्यडः दिल । महोत्सव स्वःभ्रःपिसं धाथेंगु खवप दे गथे च्वं दक स्वयो थुइके दत ।

महोत्सवय चीन, रूस, श्रीलंङ्का, पाकिस्तान नपांया मित्र राष्ट्र तयपुं कुतीतिज्ञपिसं नं स्वयो दिलसा नेपःया थी थी देया नगरपालिका यं महानगरपालिकायाबालेन्द्र शाह, यल महानगरपालिकाया चिरी बाबु महर्जन, मध्यपुर नगरप्रमुख सुरेन्द्र श्रेष्ठ, चौतारा सांगाचोकगढी नगर प्रमुख कृष्णप्रसाद सापकोटा, शङ्खरापुर नगरपालिकाया पूर्व प्रमुख सुवर्ण श्रेष्ठ,

'पुर्खा दयकःतकगु सम्पति भ्नीगु कला व संस्कृति' या नारा पूर्वांकयगु तातुडःखवप नगरपालिकां खवप महोत्सव २०८१ मंसिर २८ निसं पुस २ गते तक डान्हूया ग्वसः ग्वगु खः देशं दुनय व देशं पिनयया पर्यटकपिनिगु मन सालः दुकायगु भ्नीगु मेगु तातुना खः, देशं पिनयया पर्यटकपिनिगु जक भरय च्वनय मज्यू धायगु जिमिगु अनुभव खः ।

२०७२ सालया तःभ्वखाचा , भारतं यागु नाकाबन्दी, २०७६ व २०७७ य् हलिमय डांकः पुडः वगु कोरोना भ्वल्वय पाखं जिमिसं ज्ञान काया । नेदातक देशं पिनयया पर्यटकपुं नेपाले द्रहं मवबलय देया अर्थतन्त्रय तप्यंकः लिचवः लाता धःसा खवप नगरपालिकाया आन्तरिक स्रोतय नं बांमलाक लिचवः लाता । जनताया जीवन म्वाकयता जनतातयके हे आर्थिक ग्वाहाली फ्वनयमःगु ई तक वला । खवप नगरपालिकां अक्सिजन प्लान्ट तयता जनताकय ग्वाहाली फ्वना । सकल नगरवासीपिसं फयां फक्व थःथःगु गच्छेकाथं आर्थिक ग्वाहाली याता । लच्छि लत्याया दुनयँ ६ करोड ५० लाख धेबा मुनय हल । थौतक सुनं नगरबासीपिसं हि व अक्सिजनया नितिं धेबा पुलय म्वः । खवप नगरपालिकां धेबा म्वायकः इडः बियो च्वंगु दः । खवपया जनता छप्पा छधि जूगुया व छगू दसु खः ।

महोत्सवया इलय डान्हूतक न्हियान्हिथं महत्वपूर्ण ज्याभ्वःत यायगु व्यवस्था याडागु दः । वहेकाथं न्हापांगु दिन मंसिर २८ गते विश्व सम्पदा धलःखय नां जःगु लायकुली महोत्सवया उलेज्या, २९ गते खुला बाँसुरी बाजा धिधिं बल्ला उलेज्या, मंसिर ३० गते बाँसुरी बाजाया सिरपा लःल्हायगु ज्याभ्वः, पुस १ गते खवप इन्जिनियरिड कलेजया हिंखुदाया दँ बुदिं, खवप नगरपालिकाया पिथना 'सहकारी आजाज' बुलेटिन व

सच्छिव स्तीच्यागुगु स्वप पौ. ब.छि पौ(पाक्षिक)

केपु नगरपालिकाया न्हापायायम्हा प्रमुख रमेश महर्जन अथेहे यँ महानगरपालिकाया उपप्रमुख सुनिता डङ्गोल, यल महानगरपालिकाया उपप्रमुख मञ्जली शाक्य, केपु नगरपालिकाया उपप्रमुख शुभलक्ष्मी शाक्य, नागार्जुन नगरपालिकाया उपप्रमुख सुशिला अधिकारी, चन्द्रागिरी नगरपालिकाया उपप्रमुख वसन्ती श्रेष्ठ, गोदावरी नगरपालिकाया उपप्रमुख सुनिता महर्जन, शङ्खरापुर नगरपालिकाया उपप्रमुख समिता श्रेष्ठ, दक्षिणकाली नगरपालिकाया उपप्रमुख वसन्ती डंगोल, महाङ्काल गाउँपालिकाया उपाध्यक्ष डोमाया गोले नपां थी थी पालिकाया जनप्रतिनिधिपुं भायो स्वयो दिल । थानाया जनतां याडः द्यगु मेहनत परिश्रम व सृजना सकल जनतां स्वय खान ।

ख्वप महोत्सव २०८१ या लसताय गवसःगवगु खुला बाँसुरी बाजाया धिं धिं बलासं ब्वतिकायो द्यपुं सकलें पुचःता सुभाय नपांत्याकः द्यपुं बाँसुरी बाजा पुचःता लसय हाडा । जिमिगु इनाप न्यडः ६० थ्व पुचलं आधुनिक व प्रगतिशील भजन हालः महोत्सवता अज बांलाक ब्यगु दः । फल्चा फल्चाय् भजन हाल फल्चाया शोभा भन अप्वयकः ब्यगु दः । महोत्सवया डान्हू यंक लाय्कु, तःमारी, दत्तात्रय, क्वाठण्डौं सांस्कृतिक ब्वज्या यापुं पुचःत, बाजा थाडः, पुयो नगर चाहिल द्यपुं बाजा पुचःत, नौ दाफा भजन पुचः नपां महोत्सवया सांस्कृतिक ज्याभ्वःसं खानय् दयकः व खानय् मदय्क ग्वाहाली यापुं सकल सिता नं सुभाय देछाय् । खः प्याखंया परम्परागत पोशाकत, स्थानीय नेवः तिसा वस ब्वयोग्वाहाली यापुं ग्वाहाली पुचःत, साफू ब्वज्यासं ग्वाहाली यापुं सकल पिधना पुचःतानं सुभाय, महोत्सवया ज्याभ्वः पिब्वयता थाय् ब्यपुं ब्वनकुथित, लसकुस ध्वाका दयकपुं संघसंस्थात, किपा ब्वज्यासं ग्वाहाली यापुं संघ, संस्थात नेपाकिपामिपुं चित्रकला व पौभा कला ब्वज्याया ग्वाहालीमिपुं, छ्वाली कलाया कलाकारपुं, जुजु धौ महोत्सवया ग्वाहाली पुचःत मृत्तिकाकला चाभाला छिडः ब्वज्या नं याडः द्यपुं सिर्जनशील लाहा दपुं सकल सिता नं ख्वप नगरपालिकां सुभाय देमछसँ मगा ।

न्हिया न्हिथं बहनी छ्यूलकिं पुखुली-पुखुली पालाचा च्याकःगु तस्कं स्वय हायंपुसँ च्वं । पालाचा च्याकयता ग्वाहाली यापुं संघसंस्थात, पुलांगु काथं चिकं काकिगु ज्या ब्वयो द्यपुं, सांस्कृतिक ज्या भ्वः क्यडः महोत्सव अझ बांलाकः द्यपुं ब्वनय कुथि व सांस्कृतिक पुचःतः न्हापायाय्गु काथं काछिडक्यपुं रजितकार समाज, थी थी काथंया पुलांगु पहःया अपात ब्वयो द्यपुं तुछिमला परिवारता नंसुभाय देछाय् ।

त्वालय-त्वालय स्थानीय जनता व ब्वनयकुथिया परिवारपिसं नेवःसमाजया बुसां निसँ मसितलयया सामाजिक संस्कार पिब्वयो नेवः जीवनया खाँ थुइकेगु इच्छा दः पिन्ता

मौका ब्यगु दः । ख्वपया म्वाम्हाद्योकाथं डालःतःम्हा कुमारीमाजु, दीपङ्कर बुद्ध (अजाजु द्यो) दर्शन, बुद्ध अस्तु धातु दर्शन नपां बौद्ध दर्शन नपां स्वापु दःगु ब्वज्या या व्यवस्था याडः द्यगुलिं सकल बहाबही विहार परिवार, व स्वापु दःगु पक्षता सुभाय देछाय । नवदुर्गा द्यो ब्वयक नवदुर्गा द्यो दर्शन यायगु व्यवस्था चूलाकपुं स्थानीय लाँजुव परिचालन समिति व नवदुर्गा गणता नं आभार प्वंकय् ।

थाय् थासय् भीगु थःगु पहःया मौलिक ध्वाकात दयकः नगरया थाय् थासय् चुक, चुक्य् बांलाक ब्यगु दः । थीथीथासय् परम्परागत ध्वाका बोहकं नीगु ध्वाका दयकगु दः । सहकारीया पासापिसं थाय् थासय् त्वनय्गु नाःया व्यवस्था, स्टलत तयो ग्वाहाली यागु दःसा ख्वप नगरया ब्यापारी, व्यवसायी, होटल-रेष्टुराँया पासापिसं थःथःगु छँ या पाइखानात चाय्कः स्वःभ्रःपिन्ता ग्वाहाली यागु दः । वयकपुं सकलसिता नं सुभाय देमछसँ मगा ।

ख्वप अस्पतालया न्हयलुवाय् थाय् थासय् प्राथमिक उपचार केन्द्रत तयो उपचारया व्यवस्था यागु दःसा नीडादा लिपा खः प्याखंनय् क्यनिगु धुँ, गरुड व सिंह प्याखं नं पिब्वयो ग्वाहाली याता । ख्वप अस्पतालया कजिलय ज्यासापुं सकलें अस्पताल व स्वास्थ्य संस्थाया स्वास्थ्य कःमिपुं व खः प्याखं परिवारता नं सुभाय । नगरबासीपिसं जिमिगु इनापता न्यडः डान्हूतक महोत्सवया इलय मोटर, मोटरसाइकल दुतामहःसिं स्वःभ्रःपिन्ता ग्वाहाली याडः दिला, स्काउट, कासामि ब्वनयकुथि, कलेज, व्यवसायी, ग्वाहालिपुचः सकलसिता सुभाय ।

ख्वप महोत्सव २०८१ या स्मारिका, पिथानयता च्वसुत बियो द्यपुं च्वमिपुं, विज्ञापन दातापुं, सकल पिथानयता ग्वाहाली ब्यपिन्ता नं सुभाय । अथेहे पिक्टोरियल बुक (किपा मुना साफु) या लागिं किपा बियो द्यपुं किपामिपुं, वाकिड टुर पिथानयता ग्वाहाली यापुं, सहकारी आवाज बुलेटिनपिथानयता ग्वाहाली यापुं सकलें, महोत्सवया न्हिपौ पिथानयता ग्वाहाली यापुं ग्वाहालिमिपुं नपां पिथानयता ग्वाहाली यापुं सकलसिता नं सुभाय ।

ख्वप महोत्सवया मःकाथं प्रचार-प्रसार यापुं सञ्चारकःमि मिडिया ग्वाहालिमिपुं मजदुर न्हिपौ, भादगाउँ टेलिभिजन, ख्वप टेलिभिजन, ख्वप सः, भक्तपुर एफ.एम., जन सञ्चार टि.भी. एफ. एम. बेभसाइट, एविसिडी खबर मिडिया, डातापोल्हँ एक्सप्रेस व नागरिक न्हि पौ ता नं सुभाय देछाय् । सञ्चार कःमि पासापिसं अपलं प्रचार-प्रसार याडः सांस्कृतिक पुचलं सांस्कृतिक ज्या भ्वः क्यडः, ख्वप कलेजं डान्हूयंक छधा प्याखं क्यडः, उद्योग मेला व घरेलु मेलासं सकलसिनं थःथमनं दयकगु उत्पादन ब्वज्या नपां मियगु ज्या याडः ग्वाहाली याता । प्रचार ग्वाहालीकाथं ग्वाहाली यागु छिकोड पुचः, साइकल कनेक्ट, पाटन म्युजियम,

सच्छिबत स्वीच्यागूगु खवप पौ. ब.छि पौ(पाक्षिक)

गड्गालाल स्मृति प्रतिष्ठान, खवप, भक्तपुर मिनिबस यातायात प्रा.लि., क्षेत्रीय मध्य उपत्यका बस व्यवसायी प्रा.लि., भक्तपुर ट्रक व्यवसायी संघ, प्रचार ज्याली सं ववति कःपुंठवनयकुथित, मिडिया प्लस, सिस्को फ्लेक्स प्रिन्ट व मयुर प्रिन्टता नं सुभाय् ।

खवप महोत्सवया मूमासय् निःशुल्क इन्टरनेट सेवाबियता मंकःज्या याडाम्हा इन्टरनेट सेवाप्रदायक वर्ल्ड लिङ्क कम्पनी, महोत्सवया आधिकारिक वेभसाइट डेभलपर एफ.एन.क्लिक, गल्ली म्याप, महोत्सवया मोबाइल एप्स दयकेगुली प्राविधिक ग्वाहालीयाम्हा खवप कलेज अफ इन्जिनियरिडता नं आभार प्वंकय् । घरेलु औद्योगिक मेला तःलाकय्ता मंकःज्या याम्हा भक्तपुर घरेलु तथा साना उद्योग संघ, व्यापार मेलाया ग्वाहालि ब्युपु संघ संस्थात, स्टल, साउण्ड सिस्टम, दबु व्यवस्थाया लागिं ग्वाहाली यागु संघ संस्थात नपां मे मेपुं ग्वाहालीमिपिन्ता नं सुभाय देछाय् ।

जिमिता धःकाथं डान्हूखय् खुगू लाख निसं च्यागूलाख मनूतयसं महोत्सव स्वःवगु दःसा निहं करोडौं तका क्वतिया आर्थिक कारोबार यागु दः ।

औद्योगिक मेलासं निहं निहं साङ्गीतिक ज्या भूवः क्यडः च्वंगु दः सा सुरक्षा निकायत जिल्ला प्रशासन कार्यालय, ट्राफिक कार्यालय, पर्यटक प्रहरी, जिल्ला प्रहरी कार्यालय भक्तपुर नपांता तस्कं बांलाक सुरक्षा व्यवस्था यागुलिं सुभाय देछाय् । फुक्क सरकारी कार्यालय प्रमुख पिन्ता नं सुभाय् ।

नगरपालिकाया ग्वालासय जूगु महोत्सव तः लाकय्ता महोत्सव मूल समारोह समिति, नपां थी थी उपसमिति च्वडः द्यूपुं जन प्रतिनिधिपुं अलय स्वापु दःपुं मनुत व महोत्सव सचिवालयया कर्मचारीपुं, नगरपालिकाया कर्मचारीपुं, नगर प्रहरीपुं, नगरपालिका पाखं चाय्कःतःगु कलेज व अस्पतालया कर्मचारी पिन्तानं सुभाय देछाय् । खवप महोत्सव तःलाक क्वचाय्केता ग्वाहाली यापुं सकलें मेमेगु दाफा भजन खलःत, सांस्कृतिक प्याखं पुत्रःत, स्थानीय न्ह्यलुवापुं, संघसंस्थात,नेपाल टुरिजम बोर्ड नपां महोत्सवता तःजिक क्वचाय्केता खानयदयक व खानय् मदय्कः योगदान याडः द्यूपुं सकलसिता सुभाय् ।

खवपमहोत्सव २०८१ या उलेज्या तःतालकय्ता मू पाहाँ, विशेष पाहाँ, पाहाँ काथं भायो द्यूपुं नेपाल मजदुर किसान पार्टीया हानय बहम्हा नायो भाजु नारायण मान बिजुक्छें (रोहित) जु, नेमकिपाया छ्याञ्जे नपां संघीय सांसद प्रेम सुवाल,वागमती प्रदेशया दुजः सुरेन्द्र राज गोसाई, मेम्हा दुजः सृजना सैजु, यल महानगरपालिकाया उपप्रमुख मञ्जली शाक्य, पुरातत्व विभागया महानिर्देशक शौभाग्य प्रधानाङ्ग, भक्तपुर जिल्लाया प्रमुख जिल्ला आधिकारी गोपाल प्रसाद अर्याल, नपां सकलें थाना भूःपुं महानुभाव पिन्ता सुभाय देछाय् ।

(खवप महोत्सव २०८१ या क्वचःगु ज्या भूवः पुस २ गते नगरप्रमुख सुनिल प्रजापति जू बियो द्यूपुं न्वचुया भाय हिल-सं.)



बाँसुरी बाजाया धिंदिं बल्लासं न्हापलागु भीगु नेवाः बाँसुरी बाजा खलः

‘कला संस्कृति खवपया प्राण हे खः’

बागमती प्रदेशया दुजः सुरेन्द्र राज जोसाई



खवय महोत्सवया सुभाय् नपां खवप नगरपालिकाता भिन्तुना नपां थुगु महोत्सव तः जिक हानय् फय्मः भिन्तुनय्यं । डान्हूतक न्ह्याइगु थुगु महोत्सव सामाजिक, संस्कृतिक, आर्थिक, शैक्षिक थजगु लागात अज हज्याकयता धिसि लागु पला जुयमः । बांलागु पला, बांलागु यात्रा न्ह्याकयता नपां आजुइ थयंकयता तस्कं गवाहाली जु वै । भिंगु लक्षण खानय् दय्केता न्हूँ न्हूँगु खापा मचाय्कसिं मगा । जीवनया थीथी लागाय् भिंगु ह्युपा ह्युता मदिकक न्ह्याकः चवंगु पला मध्ये थुगु महोत्सव छगू धिसीलागु पला जुयमः, भिन्तुनय्यं ।

खवप दे यक्व लागाय् न्हयलुवा जुयो चवंगु अपलं थासं न्यनय दः । भीगु थःगु पहः मौलिक शैलीया महोत्सवया गवसः नं खवप दे न्हयलुवा जुइगु भिं खाँ न्यनय् दैगु नपां डालकाय् बहः जुइगु विश्वास प्वंकः चवडा । खवप देशं देया नितिं अपलं हिंसी दःगु धिसिलागु उपहारत बिय धुंकल । थुगु महोत्सव मेगू छगू बाना (मोडेल) वा चवछाय् बहगू दसु जुयमः ।

खवप दे नखा नखाया दे खः । कला संस्कृति खवपया म्हसिइका जक मखु प्राण हे खः । खवपया जनताया नितिं थुगु छगू महोत्सव मेगु रचनात्मक (डालः काय बहजु) दसु खः धायके फय्मः ।

प्राचीनताया सौन्दर्य पुलांगु जूसां तस्कं स्वयं बहगु नपांया आधुनिक जीवनया नखा जुयो ब्यू । थव महोत्सव छम्हा छम्हा पाहांया नितिं व फुक्कसिया नितिं लुमन्तिया दबु थजुयो ब्यू । पुलांगु युगं न्हूँगु युगया सेवा यायगु तातुना पू वांकयता व्यवहारिक पला मदिकक न्ह्यो वानय फय्मः भिन्तुनय्यं ।

खवप दे कलाकार, कलाप्रेमी व सम्पदा प्रेमी तय्गु सहर खः । थानाया ज्यापु-ज्यामि सिं कःमि, डकः मि, ल्वहँकःमि, पुं (चित्रकार) कुम्ह दाजु पुं सकलें ज्या साडः नैपिन्ता हानय ज्या याइगु समारोह सिद्ध जुयम थुगु महोत्सव । ज्यासाडः नैपिन्ता हानयज्या मदिकक याय फय्मः । न्हूँ न्हूँपुं ज्या साडः नैपुं श्रमवीरपुं ब्वलांकयगु अभियान न्ह्याकं तुं चवनय फय्मः । हिचति हाय्क ज्या साडः हे न्हूँगु समाज दय्के फौगु भावना ब्वलांक यंकय फय्मः । छगू छगू सम्पदाया जगय् अपलं ज्यामि, कालिगढ पिनिगु हिचःति व लाहातय् पवता गाकः सांगु ज्याया चिं दै । धात्थेगु इतिहास न्हूँगु पुस्ताता ब्वंकः थुइके यंकय फय्मः सुभाय दः ।

खवप दे हलिमय छगू म्वाडः चवंगु लोकं हवागु थाय् खः । थुगु म्वाडः चवंगु सहरय् जीवन व जीवन्तता तानय्ता भीगू पुर्खा थीथी कुतः व संघर्षयाता । भी न्हयलुवापिसं त्याग-तपस्या याता । खवप देता खवप दे थें हे तयो तय्ता अलय थुगु खवप देता खवप दे थें च्वंकः सलंस दाँतकया पुस्ताता ल न्हायता थौं तक नं उलि हे मन जाय्कः कुत जुयो चवंगु दः । खवप

देशं देशयाय् हे न्ह्यो तय्ता योगदान याडः चवंगु दः । खवप देशं हलिमययाय् हे सम्पति ल्यंकः म्वाकः भिंकः अज जाहाँथिक तहांगु गुण याडः चवंगु दः । खवप देशं हलिमययाय् हे सम्पति ल्यंकः म्वाकः भिंकः अज जाहाँथिक तहांगु गुण याडः चवंगु दः । गुकिं थौं खवपया इज्जत (गरिमा) यक्व यक्व ताः तापाक डाड वाडः चवंगु दः । ख्याडः वाडः चवंगु दः । खवप दे प्रति आस्था व विश्वास अप्वयो वगु दः । यक्व यक्वसिनं थुकिया थिडः वगु ओज तेज मति तयो वगु दः । थव जिं हे याडा धाय्गु आत्मश्लाधा मखु आत्म गौरव धःसा पक्का नं खः ।

सांस्कृतिक पुरातात्विक मिखालं स्वय बलय् जक मखु राजनैतिक स्वपुकुननं स्वयबलय् नं थौं खवप देशं बिस्कं प्रतिष्ठा कायो चवंगु यक्वसिया मनय् वां । तस्कं थाकुगु अलय याय् हे फौमखु धायोतःगु ज्यात थानाया इमानदार न्हयलुवा जनपरिचालन व जनसमर्थन पाखं ज्या जुयो चवंगु खानी बलय् अजु चायो चवंपुं नं मरुगु मखु । खवप देशं इज्जत व विश्वास छकलं कायो चवंगुलि राष्ट्रिय वा अन्तरराष्ट्रिय हानय वहपुं विशिष्ट पाहाँत, संवेदनशील स्वकुमि पर्यवेक्षकपुं गौरव तायक चवंगु दः ।

बुसां निसे सीइबलयतकया मनूतय्ता मदयक मगागु छसिकाथं जायकः जायकं यंकयगु तातुना काथं जनतानपां लाहापा स्वाडः खवप दे हज्याडः चवंगु स्वयबलय् छम्हा भारतीय विद्वान चवमिं लयता खवबी हाय्कः दिल अलय थमनं

सच्छिखत स्तीच्यागूगु खवप पौ, बःछि पौ(पाक्षिक)

फुक्क उपलब्धी काय् धुडा नं व फुक्क न्हांकय् मःबलयया दुःख स्यूम्हा छम्हा राजनीतिक व्यक्तित्व नपां जूगुलिं श्वहे नातां निःस्वार्थ सेवा भाव, इमानदारी व प्रतिवद्धता (बचं) मदयक मगागु खायें न्ह्याब्लें स्पष्ट जुयता दुनुगलं निसें सुभावा बियो दिल ।

छुं ई न्ह्यो छम्हा च्वजः म्हा विशिष्ट चिनियाँ पाहाँ नं खवप दे चाहिलय धुंक मनया खाँ प्वंकः दिला भिंम्हा न्हयलुवां, भिंगु समाज व स्वयं हायेंपुगु सुन्दर सम्पदा दयकेगु नपां ल्यंक भिंकः म्वाकः तै गुगु खवप देशय् थःगु हे मिखालं स्वय दत्त । जनताया ख्वालय् न्हिलासु ह्यगु अःपुगु ज्यामखु धाय्गु थमनं याडः स्वयो हे सयकागु खः । खवप दे व थानाया जनता मनय् लुमन्तिया दुयंगु चिं तय्के फःगुलि लय्ताया छम्हा क्यबाली कुटनीतिज्ञं श्व फुक्क धरोहरत ल्यंकः म्वाकः भिंक तयता थौया तस्कं थाकुगु इलय् गुलि ता ई तक ल्वाय माला ज्वी दक छगू आर्थिक युद्ध नपां ल्वाय माला

ज्वी धाय्गु देया प्रतिनिधिया नातां मनय् ग्वाकय् फौगु खाँ काडः दिल । पाण्डोराया बाकस चाय्कः बलय् दकलय लिपा ल्यडः च्वंगु विश्वास थौ या नेपः या सन्दर्भय् धाय्गु खःसा खवप दे खः थुकी प्यख्यरं आशाया मता च्याकः तुइजला हवलः च्वंगु दः धायो दिसे छम्हा नेपः या कविं नपां प्राज्ञ भाजुं नुगः ह्वयकः लयता प्वंक दिला । श्व अः नकतिनिया क्वागु बुखौं व धापु पाखं मनं लय्ताय्केगु खाँब्वताजक मखुसें भी फुक्कासिता नुगः ह्वयकः ज्या सानय्गु घ्वासा जुयो बी ।

नेपालभाषाय् छपु ऐतिहासिक, मार्मिक, नुगलय् श्यगु म्येँ दः। खवपया अन्तिम मल्ल जुजु रणजित मल्लं च्वयो दयगू धातु म्येँ- श्व थें जःगु रस गब्लेसें दइमखु, राम हँ जिगना वानयें । गना वानय् गना च्वनय, सुया भरय् च्वने दैब ... थुगु म्येँ अजनं दाफा भजनय मनय् थिइकः हाल च्वनातिनि । म्येँ खय् धायो तः काथं तःपुखु नः पुखु स्वय दकः डा जन्म काया दैव - गुली चञ्चल जुई व

डाचा, डातापोल्ह स्वयं दक बखुं जन्म काया दैव, व बखुं गुलि स्वच्छन्द जुयो सर्गतय् ब्वयो जुला ज्वी । अः याय्गु भैलदेगः दर्शन याय् दःसा गुलि लय ताइगु जुई । अलय् छपु म्येँ हकनं च्वइगु ज्वी लसताया म्येँ ।

हकनं म्वाडः वगु नव जीवन ज्वडः दाँ वगु भीगु सम्पदात, देगः, हिति, फल्चा नुवाय सःगु खःसा फुक्क फुक्क सिनं हलिमय श्वकः धाइगु ज्वी - 'जनतां हे संस्कृति ब्वलांकगु खः । अमिसं हे दयकगु खः । जनता हे सम्पदाया थुवः खः । जनता हे बांलागु समाज दयकिपुं रचनाकारपुं खः । जिमिगु लुमुगु लसकुस मेहनती इमानदार व संघर्षशील जनताता ।' हकनं छक थुगु भक्तपुर महोत्सव तः जिक हानय्ता सकलसिता इनाप याय् ।

(नेपाल मजदुर किसान पार्टीया केन्द्रीय वुजः नपां बागमती प्रदेशया वुजः सुरेन्द्र राज गोसाईं जुं मंसिर २८ गते खवप महोत्सव उलेण्या ज्या इवः सं बियो द्यग न्वचुया भाय हिला सं)





सम्पदा लहवनय् कानय् व सभ्यता म्वाकः ह्यग्गु ज्वःमरुग्गु दसु

वागमती प्रदेशया सभाया दुज, सृजना सैजु

खप महोत्सव २०८१ तःजिक हानय् फय्मः भिन्तुना ।

खप सभ्यताया दे, प्राचीन कला संस्कृतिया धरोहर, परम्परागत शिल्प (ज्यापा) व ज्यापामिपिनिगु नगर इतिहास धात्थे खय्क म्वाक तःगु सहर ।

थुगु खप दे थौ देशं दुनय व पिनयया पाहाँत सःत उत्सव डायक च्वंगु दः । खप दे या पुलांगु पहःता आधुनिक जीवन नपां स्वायगु लिधंसा दयकेगु कुतः याडः च्वंगु दः । मूर्त व अमूर्त सम्पदाता पर्यटन अर्थ नपां स्वायगु क्वातुगु लिधंसा दयक च्वंगु दः । थव बुलुहुँ तुडुजला पाखय् हज्याडः वाडः च्वंगु दः । पर्यटन आम्दानीया छुदुवा लुखा खः । खपया खायँ पुलांगु व न्हँगुया दथ्वीया उथिंयंगु लाँपु पर्यटन उद्योग जुयफः । स्थानीय नपां भ्नीगु थःगु पहः या मौलिक उत्पादनया उद्योगता भ्नीसं सिया उत्पादन नपां स्वापु मरुगु पर्यटन तातुई मखु । थुगु महोत्सव (विशिष्ट) नां दांगु उत्पादन, चिच्या चिच्या हांगु उद्योगया लिधंसात दयकः यंकय् फय्मः सुथां लाय्मः दक म्ह्य ।

कला-संस्कृति सम्पदा नपां थाना पर्यटनया तःपु लाँपु तः दः । आयाम दः । खपया राजनीतिक इतिहास, किसान आन्दोलन, सुचुकुचु अभियान, भ्रष्टाचार विरोधी आन्दोलन, शैक्षिक आन्दोलन थजगु विषयतय्गु अध्ययन

भ्रमणया सम्भावना अपलं दः । खप दे छन्हँया दुनयँ दयकगु सहर मखु । थानाया लाहातय् बांलागु ज्या दःपु शिल्प कःमिपुं, मेहनती कालिगड, ज्यापु-ज्यामि नपां ज्यासाड नैपुं जनतातय्सं हे थापाच बांलागु बैभवशाली खप दे दयकगु खः । लहवडः, दाड, ल्यंक म्वाकः तःगु खः । महोत्सव वहे शिल्पकःमि व ज्यापु ज्यामि पिनिगु जीवन नपां स्वापु दःगु व्यवहारिक पला जुइ धाय्गु विश्वास काय् । जनताया जीवनस्तर च्वजाय्केगु मेगु छपला थजू खप महोत्सव भिन्तुना देछाय् ।

थौ कन्हे हलिमया सभ्यता ल्यंथाडः ह्यगु स्यल्लागु सः न्यनय दः । मानव समाज विकासया इतिहास लिमुलः मालः स्वयगु ज्या चतारं याडः वगु खानय् दः । जलाखाला दे चीनं डादुदाँ हाँनिसँ च्यादुत्या दाँ हाँ निसँया पुलांगु सहर व सभ्यताया लिधंसा लुइकल धाय्गु बुखाँत दः । भ्नी थजपुं सम्पदात माया याइपिन्ता थव लसताया खाँ खः ।

सम्पदा लहवनय्-कानय् व सभ्यता लिफ्यडः ह्यगु छगु ज्वः मरुगु ज्या जुयो ब्युगु दः । अथेनं अपलं चुकः ननि, गल्ली पुखु, देगः, चैत्य थजगु ऐतिहासिक बैभवत अजनं मूलः मालः स्वइला दक पिडः च्वंगु दः । वरिष्ठ राजनीतिज्ञ नपां नेपाल मजदुर किसान पार्टीया नायो भाजु नारायणमान बिजुक्छे

(रोहित) जुं खांगु म्हागत 'सच्छिदा लिपाया खप दे' थुगु खपदे दयकेगु लाँपु खः । थानाया भ्नीगु थःगु पहःया मौलिक जीवन शैली, ज्वःमरुगु सङ्गीत, सम्पदा व बाँलाता ल्यंक म्वाकः तय्गु कन्हे थ्यंकया दुरदर्शीता वयक याय्गु हे खः । विकास निर्माणया ज्याखय जनताया ग्वाहाली नपां निःस्वार्थ सेवाया संस्कृति च्वजाय्क यंकय्गु वयकया तातुना खः । वयकलं पुलांगु पुस्ता अथेधाय् कलाकार, शिल्पकारपिन्ता हानय्ज्या याय्गु, सभ्य व सुसंस्कृत सहर दयकेगु नपां न्हँगु पुस्तां माल च्वंगु आधुनिक व गुणास्तरीय जीवनशैलीया म्हागस नं वयकलं याडः दय्गु खः । खप महोत्सव 'सच्छिदा लिपाया खप दे' ता हछ्याडः ह्यगु छगु लिधंसा जुयो वियमः ।

खप महोत्सवया थव डान्हु हलिमया सकलसिनं धात्थे खःगु म्वाडः च्वंगु संग्रहालय खपय् स्वय् दै । महोत्सवं न्हँगु पुस्ताता थुगु सहरया (गरिमा बोध) गुलि च्वजःगु थाय् धाय्गु थुइके बिइगु नपां न्हँगु अवसरया खापा चाइगु विश्वास काय् ।

(नेपाल मजदुर किसान पार्टीया केन्द्रीय दुजःनपां वागमती प्रदेशया सभाया दुज, सृजना सैजु मंसिर २८ गर्ने खप महोत्सव उलेज्या ज्या इवः सं बियो द्युगु न्वचुया भाय् हिला - सं)

षष्ठिकादेवी

मचा बुया: खुन्हइ (छैथिखुन्ह) पुज्यायेमा:म्ह देवी षष्ठिकादेवी ख: ।

१. न्हापां थव्यात सामान्य परिचय कथं बवने ।

मचा बुया: पि मध्यनिड्मह मचायात सुशोधन यायेधुंका: यवोदक वृद्धि श्राद्ध याइ । यवोदक छगू सूतकनिवृत्ति ख: । थव्या अवधि छैथिकर्म सिमधतले जुइ । छैथिकर्मया सन्दर्भ्य पुरोहितं कलशार्चन याना: यथाकर्म्य थव छैथि (षष्ठियाग) याइ । थन षष्ठिकादेवी पुज्याइ । मचा बुथाय् चव्य् अंगलय् गोबरयाम्ह म्हय्खा गयाच्वंम्ह षष्ठिकादेवी दय्का: अंगलय् तिकिइ । थव्यात ह्याउंगु पर्सिं सिंकातइ । पाँय्पका, कलंपका, उरादृष्टि तया: थव गोबरमयी षष्ठिकादेवी पुज्याइ । मचाया निनिपिं थन तसकं महत्वपूर्ण जुइ । निनिपिं गोम्ह दु भूवलाक चवना: मचायात म्हतिं म्हतिं निनिपिसं चिकं बुइकिइ । निनिपिसं मचायात प्वाकलं, न्हगु इचा पुंकिइ । अले षष्ठिकादेवीयात हनेकथं मचाया न्हय:ने बाय् अन्त्यय् खुपुच: ध्यबा तया: खुप्वा: मत सलिचा (पालाचाय् वा सिज: ख्वलाय्) तया: मत च्याकिइ । थव खुप्वा: मत नं षष्ठिकादेवीयात मत बियेकथं ख: । दीप पालाय् षष्ठिकादेवीयात पुज्याइ । मचायात निनिपिसं थथे चिकं बुइका: मचा मुलय् तया: इमू, चिपालु, चाकु चिप थिइमा: । अले छचा जयबिलि क्यंकेमा: । अले निनिपिनि लघुस्तान यायेमा: । थन शिलाकुमार नं पुज्यायेमा: । ब्राम्हण पुरोहितयात कलशादि पुज्याये धुंका: निसला दक्षिणा बिइ । कलश अभिषेक । थुकियात मत च्याके मधा: सें मत छ्वय्के धाइ । स्वां, सिन्ह: सकतां कया: थव पुजा विसर्जन याइ । थन दिपावलीकथं, जन्मोत्सवकथं भ्यालय् उखेथुखे मत च्याकिइ । सकसियां भोजन याइ । फुकिइतय् नका: थव यवोदक बाय् शिलाकुमार विसर्जन याइ । थव्या न्हय: सूतक (जयबिलि) मक:पिं पिने वनेमा:पिं वनिइ । आ: शिलाकुमार अथे हे विसर्जित स्वां, किंग: तिना: पिने वाइ । थथे धुनेवं थुमि आ: छयें च्वंपिनि जयबिलि याइ । सूतिकागारया लुखापिने थ: बन्धुमध्ये छम्ह तरवार ज्वना: पा: च्वनेमा: । तरवार ज्वनिइम्हसित नं बांलाक सिन्ह: तिका: पुज्याना: अथे हे तरवारयात नं पुज्याना तयेगु जुइ । थथे तरवार ज्वना: लुखाय् पा: च्वनेगुया अर्थ मचा (नवजात शिशु) या ललाटय् ललाटाक्षर च्व: वइम्हसित खबरदारी बिइगु ख: । थुकिं भाग्यरेखाक्षर च्व: वइबेलय् आ: वं मचाया आयुआरोग्य नापं सुखऐश्वर्य भोग याये दइकथं भाग्यरेखा च्वइ । थव भाग्यरेखा च्व:म्ह षष्ठिकादेवीया इच्छाअनुसार या:म्ह नं जुयेमा:गु दु । ज्वसिं जात: च्वयेत न्हापां तिपंचा छगू च्वया ह्येमा: । थव तिपंचा पुज्याना: मचाबुम्हसितं मचाया फुसय् तइ । आ: थन षष्ठिकादेवी व मचाया पक्ष्य् च्वना: चित्रगुप्तं थव मचायात अनिष्ट किच: लाके बिइमखु । षष्ठिकादेवीयात हना:

चित्रगुप्तं नं थव मचायात भिसुवा: नापं दीर्घायु कामना याइ । थथे जुइकेत षष्ठिकादेवीयात पुज्याना: जात: या पूर्व तिपंचा थव मचाया फुसय् तइगु ख: । मांबौ निम्हसिया बुयाकथं जन्मसूत जयम्बिलिमा: जुइ । मचाया पि मध्यंतले व मचा छम्ह शुद्ध जुइ । अले यवोदक श्राद्ध यानागुलिं म्येपिं जहान फुकिइ सुयां जयबिलि मालिमखु ।

२. षष्ठिकादेवी महात्म्य

देवीभागवत महापुराणया नवम स्कन्ध, ४६ अध्यायस वर्णन व:गु षष्ठिका देवीया माहात्म्यया विशेष खँ बवने ।

मूल प्रकृतिया खुगूगु अंश (षष्ठांश) प्रकट जूम्ह जुया: थव्यात षष्ठिकादेवी बाय् षष्ठिकादेवी धा:गु ख: । थव मचातय् अधिष्ठात्री देवी ख: । वसपोल दीर्घायुयुक्त संततिदायिनी नं ख: । मातृकापिनि इवलय् वसपोल देवसेना ख:सा वसपोल स्कन्दभार्या ख: । अर्थात् कार्तिकेय बाय् कुमारया भार्या ख: । मचातय् रक्षा यायेत वसपोल शिशु पार्श्वस्थ हे जुया बिज्याइ । नारायणं नारदयात षष्ठिकादेवी पुज्यायेगु विधि व उम्ह देवीया उपाख्यान कना बिज्या:गु दु

थव्या उपाख्यान स्वायंभुव मनुया क्वय् प्रियव्रत महाराजया कथालिसें बवने । न्हापा ला वं विवाह मयासे तपस्यारत जुयाच्वंगु ख: । लिपा ब्रम्हाया उजनं विवाह या:गु जुल । वया धर्मपत्नी मालिनी ख: । ब्याहा याना नं वया सन्तान मद्दु । पुत्रेष्टि यज्ञ थयंक यात । यज्ञया प्रसादस्वरूप कश्यप ऋषिपाखें चरुभोजन जुल । गुकिं मालिनी गर्भवती जुया: यथाबेलय् काय्मचा जन्म जुल । भिनिदंतक गर्भधारण जुयालि थव काय् जन्म जगू ख: । जन्म जुयाकथं मिखा थकना: व मचा मन्त । राजपरिवार सकलें शोकाकुल जुल । मांम्ह मूर्छा जुल ।

आ: बौम्ह प्रियव्रत मचायात बुया: मसानरिखे वन । मसानय् थयना: बौम्हेसिनं व मचायात मत्व: तुसे ख्वख्वं थ:गु छाति मचायात् बवव स्यास्यां वन । जुजु शोकं याना थ: नं सिना वनेत्यन । हानं भ्रसंग वना: थथे आत्महत्या याये मत्य: धयागु ज्ञानं वं मकुमकुं धैर्य धारण यात ।

उबेलय् आकाशय् विमान छग: बवयावल । व विमानय् छम्ह देवी च्वनाव:गु खन । वयात दर्शन यायेगु बांला:गु अवसर दत । जुजुयात कृपा तयेत हे थथे देवी बिज्या:गु जुयाच्वन । सीम्ह पुत्र बैय् तया: जुजुं देवीयात स्तुति यात । देवीं थ:गु परिचय कन । जि सृष्टिया खुगूगु अंगं पिदनाम्ह जुया जिगु नां षष्ठिकादेवी ख: । आ: छंत कृपा तसें थव मचायात म्वाकाबिइ । ख:, थव बालक संजीवित जुल । थन षष्ठिकादेवीया वाणी थुकथं ख: मचाखाचा मद्दुपितं जि पुत्रदा । नये त्वने मखपितं जि धनदा । मिसा मद्दुपितं जि प्रियादात्री ख: । अथे हे जिम्ह भक्तयात न्ह्याबलें

मंगलदात्री खः आदि ।

षष्ठिकादेवीं श्व मदुम्ह मचा म्वाके धुंकाः श्व मचा व हे विमानय् तथाः स्वर्ग बिज्याये त्यंबेलय् प्रियव्रतं षष्ठिकादेवीयात हानं स्तुति यायां बालक थःत फवन । लयताम्ह षष्ठिकामाजुं गाक्क आसिका विसे मचा प्रियव्रतयात लःल्हात । छंगु कुल श्व मचा बांलाका थयंका बिड । अले लोकय् श्वं बांलाक कीर्ति नं तथावनिड । श्वया प्रख्याति दयावनिड । षष्ठिकादेवीं धयाबिज्याइ, श्व प्रियव्रतपुत्र सुव्रत धयागु नामं विख्यात जुइ । स्वायंभुव मनुया काय, छं जिगु पूजा व सम्मान यानाव हूँ, अले म्येम्पेपित नं याकावं हूँ । थथे धया षष्ठिकादेवी स्वर्गगमन जुयाः बिज्यात ।

षष्ठिकादेवीया सुभाषिकां हाकनं म्वानावःम्ह सुव्रत मचा जुजुलिसें नापं वःपिं अमात्य बन्धुपिंतापं लायकूलिड लिहोँ वल । अन तःधंगु महोत्सव जुल । अन मचाया भिकामना अले षष्ठिकादेवीया जयकार यासे यक्व दानपुण्य नं यात । धाये, आः षष्ठिकादेवीया आज्ञानुरूप बुयाः खुन्हु दःखुन्हु षष्ठिकादेवीयात बांलाक पूजा यात । अथे हे नीछुन्हु खुन्हु सूतिकागारय् अन्नप्राशनबेलय् नं वसपोल देवीया पूजा जुल । आः जुजुं लयल्य् पतिकं शुक्ल पक्षया षष्ठिखुन्हु थथे पुज्यानावन ।

आः नाराद्यवं षष्ठिकादेवीया पूजा अले ध्यान नं कनाः बिज्याइ । श्व देवीयात पुज्यायेगु व आह्वान यायेगु थासय् शालिग्राम, कलश, घट अले वरमाया मूलभागय् नं पुज्याये जिउ, अथे हे अंगलय् पुतलिका दय्काः नं वसपोल षष्ठिकादेवीयात पुज्याये जिउ ।

देवीया ध्यान थथे दु

षष्ठांशां प्रकृते शुद्धां प्रतिस्थायन्त सुप्रभां । सुपुत्रदां शुभदां दया रूपां जगत प्रसुभ् ॥ श्वेत चंपक वर्णा यां रत्न भूषण भूषितां । पवित्र रूपां परमां देवसेनां भजे ॥

थुकथं पुजाक्रम आह्वान, स्थापन, पाद्य, अर्घ्य, चंदनानि, धूपदीप नैवेद्य सकतां छाया पुज्याये । अले अष्टाक्षर मन्त्र जप याये । यथा शक्ति स्तोत्र याये । स्तोत्रस-

नमो देव्यै महादेव्यै सिद्धै शान्तै नमो नमः ।
रूपायै शुभायै देवसेनायै षष्ठिदेव्यै नमो नमः ॥
वरदायै पुत्रदायै धनदायै नमो नमः ।
सुखदायै मोक्षदायै षष्ठिदेव्यै नमो नमः ॥
सृष्ट्यै षष्ठांश रूपायै सिद्धायै च नमो नमः ।
मायायै सिद्धयोगिन्यै षष्ठिदेव्यै नमो नमः ॥
सारायै शारदायै च परादेव्यै नमो नमः ।
वालोधिष्ठात्री देव्यै च षष्ठिदेव्यै नमो नमः ॥
कल्याणदायै च कल्याणै फलदायै च कर्मणाम् ॥

अथे हे षष्ठिकादेवी प्रार्थना यायेगु सिलः थथे खः- जय देवी जगन्मातर्जगदानन्दददकारिणि । प्रसीद मम कल्याणि महाषष्ठि नमोस्तुते । रूप देही भद्रं भवति देही मे ॥ त्रैलोक्यानि

सच्छिव स्तीच्यागुगु स्वप पौ. बःछि पौ(पाक्षिक)

भूतानि स्थावराणि चराणि च । ब्रम्ह विष्णु शिवैः सार्द्धं रक्षां कुर्वन्तु तानिमे ॥

षष्ठिकादेवीया खगु नां नं दु । श्व निम्नकथं ब्वने - क) क्षमा, ख) अनुसुया ग) सक्तती घ) शिवा ङ) संभूती च) प्रीति ।

षष्ठिकादेवीयात सृष्टिया खुगुगु अंश धकाः धयातःगु दु । अले वसपोल मातृकादेवी अर्नलि स्कन्दभार्या नं खः । कुमारया भार्या धाःगुलिं श्वया नां देवसेना धकाः लुमंकेगु जुइ । श्व खंयात हाकनं ब्वने । महाद्यः या निम्ह कायमध्ये छम्ह कुमार खः । गणेश थीथी गणया पति खः । अले कुमार युद्धय् सेनाया अधिपति जुइ । उकिं कुमारयात सेनापति, सेनानी धकाः धयातःगु दु । श्व सेना थन मुख्य नं देवसेना जुइ । श्व हे देवसेनायात मूर्त रूप बियाः श्वयात कुमारं थःम्ह अर्धांगिनी रूपय् कयाः बिज्यात ।

श्व च्वसुया मुख्य सन्दर्भ हे नवजात शिशुयात भिंयाइम्ह जूसां श्व बालकतय् अधिष्ठात्री देवी नं खत । अर्थात् बालक संरक्षणीदेवी थथे बालाक हे जुल ।

षष्ठिकादेवी ब्रम्हाया मानसी कन्या खः । पौराणिक कोशय् षष्ठिकादेवी ब्रम्हाया सभाय् ब्रम्हाया सेवा यायेत च्वनिइम्ह छम्ह देवी खः थथे च्वयातःगु दु (महाभारत, सभापर्व ११.४१) । ब्रम्हां श्व देवीयात कुमारलिसे विवाह जुइका बिज्यात । उकिं श्व देवी स्कन्दभार्या जुल । देवासूर संग्राम जुइथाय् श्व देवी देवसेना जुयाः दैत्य संहार याना विज्यात । देवपक्ष विजयी यायेगुलिइ च्वना बिज्याःगुलिं श्वय्कः देवसेना व सेनाधिपति कुमार थथे जूवःगु खः ।

देवीभागवतकथं षष्ठिकादेवीयात पुज्यायेगु थाय् व न्हि थुकथं दु । सूतिकागार - अनया अंगलय् गोबरमाटी पुतलिका पुज्यायेगु दय्काः छैथिखुन्हु बुयाः नीछुन्हुखुन्हु अथे हे मचाजक्वखुन्हु थयंक नं श्व देवी पुज्यायेगु उल्लेख दु ।

शालिग्रामय् - शालिग्रामय् नं थथे थीथी देव द्यः खनेगु यानावःगु दु । श्व कथं षष्ठिकादेवी शालिग्रामय् नं थथे आवाहित जूवयेदत ।

वरमाया मूलय् - वनस्पतिया मा, सिमायात नं द्यः भाःपियाः वःथाय् यक्व दु । आपाः यानाः वंगल सिमा, वरमा, तुलसीमा आदि । थुकथं वरया मूलय् पुज्याइगुलिइ थथे षष्ठिकादेवी थयंकः वल ।

घटकलश कलशय् - थीथी द्यःयात थन पुज्यायेगु श्व छगू चलं खः । कलश खंयः स्वाना थीथी द्यःपिनि नां स्वानाया खंयः गणेशकलश, मृत्युञ्जयकलश, शिवशक्तिकलश, इन्द्रादिकलश, सूर्यादि नवग्रहकलश, मूलकलश आदि । थुकथं षष्ठिकादेवीयात नं घटकलशय् पुज्यायेगु खँ वल ।

भ्मीसं दिदिअजि धकाः धयाच्वना । श्वयाके नं बालकयात रक्षा यायेगु व बालरक्षिणी देवीया अंश दुबिनाः च्वंकथं दिदिअजियात पुलां थितिकथं हनाः वयाच्वंगु दु । श्व देवीयात चण्डिकाया इवलय् ब्वनेदु । थुबेलय् श्वयात मंगलचण्डिका धयातःगु दु ।

छा: खेरं जंगलं आक्रान्त छगू शहर

पूर्ण वैद्य

छँ प्वचिना:

मनूत बुंज्या वयाचवन

थ:थ:गु जक छँ चकंक बुं तना वनाचवन भीगु, भीगु
तर भी ... रव ?

गुथ्यारत गय् थ:थ: छँय् छँय् हे नालावन !!

छकू क्यब, चुक, लँ थ:त मोटर वयेछिंक

स्यँ स्वँ ध्यना काकां सिङ्गु भीगु बुँ

भीगु बँया कँलाय् मलाय् वाछ्वयातल

वं थवं स्या:गु धाये मफयेक ।

तत:जा:गु छँ स्याना: न:गु भीगु बँया आकाश

जिगु म्हगसय् जिगु मिखाय् खव: व:गु दु ।

झ्या: झ्यालं वांछ्वयाह:गु भीगु बँया क्वचं

थौं जिगु छ्यनय् घा: ला:गु दु ।

जिगु दुघा: जगू दु

गन बुज्या जुल - थव भीगु बुँइ सकस्यां सिनाज्या सङ्गु ।

थन ला मात्र जग म्हल

थ:थ:गु जक छँ तत: जायेकेगु

ज्वाँय् ज्वाँय् क्वथा सयेकेगु

मात्र थ:गु किचेन रुम, बाथरूम, डाइनिंग रुम ...

बुया: वयाचवन गन भीगु बँया लाशय्

प्वल:चा थें, खाइब: सि थें ज्वाँय् ज्वाँय् बम गोलि सङ्गु छँ

गौमन थें ताता:हाक:गु छाउनि छाउनिया छँ

दँय् दँय् पतिं थव छँ त:धिक: जुया: वयाचवन

गौमन बिया म्ह थें ।

गनं ल्यनाचवंगु भीगु बँयात

बाहाँ लिइथें लित्तुलिना: स्याना: नया

भीगु लँयात सुकूला थें चय्चय्पुया: नया

म्हिग:या खचा छँ

थौं बंगला, महल, थवयेकाचवन दरवार घयपुना:

सत:, फल्चा, गुगु भीगु कुसा फांगा ख:

वा फय् लँय् चवनाचवंगु ।

चत्तावाना: सिनाचवन ककु ताहा:म्ह गिद्ध छँ क्वात्तुक्वाना: ।

भीगु - बुँ, ख्य:, सत:, फल्चाया प्रेतात्मात

भीगु - छगू समष्टिगत भावनात्मक प्रेतात्मात -

कँहाला: खवइ - जि दुने, जिगु नुग: दुने दुने गनं घालय् ।

छ्यं प्वा: गंम्ह, मिखा ल्हवकात: म्ह

थव युगया शक्त घाइते फल्चा नाप

वया खिपतं बाण्डेज यानात:गु तुति नाप

हँ पुतुं पयतुना: फल्चा थें हे सिरियस जि

यानं स्वयाचवना , थव शहर दुने

शहरया छँ छँ दुने, छँया क्वथा क्वथा दुने

सभ्यता तल्कय् यानात:गु फर्निचरय्

जंगल चुलि जाया: वयाचवन ।

सेफ, कौच, उनलपया लासा तन्नाय्

पर्सि व पेगय् ख्वातुक जंगल वानाचवन

स्वार्थ, शोषणया निर्मम अन्ध पासविकता नवयेक किना:

जंगल ! बुया वयाचवन मनूतय्गु छ्यं मिखा कायेक जायेका

जंगल ! पुना वयाचवन सभ्यताया शहर दुने दुने ।

सभ्य मनू दुने दुने !

जंगल ! सफुती नं दुहां वयाचवन आख: आखलय् न्यना:

जिं संत्रस्त थौं -, किरिमय् हाक: ल्वाकज्या: थें ।

क्यातु क्यातगु न्हयपुइ इस्पात में छा: गु

कंकया जंगल प्रिण्ट जुया: वयाचवन ।

थथे जंगल न्हंकालिं हे जक

द: व:गु भीगु बुँ

हानं न्हंका: थौं थ:थ:गु जक छँ पिना:

छँया चाक: छिं कंकया प:खा: थना: तत: जायेक

शहरया नामय् जंगल बुया वयाचवन शहर दुने

छँ दुने , क्वथा दुने , धात्थें ला-

जंगल ! भवपुया वयाचवन सम्पूर्ण भीत

जंगल ! बा: वयाचवन भी दुने भीत हे चुइक ताता: पाक

भीगु नुग:- मिखा हे थवया: चुइका यंकाचवन गन गन

मनूत सिमा पिनाचवन छँ छा: खेरं

छँ पिहां वइ जंगल त्वपुइत

प:खा: दनाचवन कंकमा पिना: छ्यनय्

छंगु जिगुया ल्वापु तंके धका: -

छंगु जिगुया हे चिं कंया प:खा: थना !

फक्व तत: जायेक

ज्ञान विज्ञान पाना

शक्ति अहमया की ताना

जिक्व तत: जायेक

मनू स्वया: नं गन गन

तत: जायेक ... ! तत: जायेक ! तत: जायेक ... !

(लबु ३: ११:१०९८) (कविताया लागा : ११०९)

खवप नगरपालिकाया ज्या भवः त

थीथी नगरपालिकाया प्रमुख उपप्रमुख महोत्सवय

मंसिर ३० गते



मध्यपुर थिमि नगरपालिकाया प्रमुख सुरेन्द्र श्रेष्ठ, थै महानगरपालिकाया उपप्रमुख सुनिता डंगोल, यल महानगरपालिकाया उप प्रमुख मंजरी शाक्य, केपु नगरपालिकाया उपप्रमुख शुभलक्ष्मी शाक्य, नागार्जुन नगरपालिकाया उपप्रमुख सुशिला अधिकारी, चन्द्रागिरी नगरपालिकाया उपप्रमुख बसन्ती श्रेष्ठ, गोदावरी नगरपालिका उपप्रमुख सुनिता महर्जन, साँखु नगर- पालिकाया उप प्रमुख समिता श्रेष्ठ व महाङ्काल गाउँपालिकाया उपाध्यक्ष डोमा माया गोले जुपिसं खवप नगरपालिकाया गवसालय जुयो चवंगु खवप महोत्सव खवपय भ्नायो स्वयो दिल ।

उगु इवलय खवप नगरपालिकाया उप प्रमुख रजनी जोशी जु खवप नगरपालिकाया गवसालय जुयो चवंगु बाँसुरी बाजाया धिं धिं बल्ला नपां थाय् थासय् जुयो चवंगु सांस्कृतिक व परम्परागत जीवन शैलीया खाँ काडः दिसे हःनय् वयो स्वय दैगु विश्वास प्वंकसे खवप दे सांस्कृतिक सम्पदां जःगु म्वाडः

चवंगु थाय् जूगुलिं कला व संस्कृति ल्यंकः म्वाकः भिंक तय्गु महोत्सवया मू तातुना खः धायो दिल ।

उप प्रमुख डंगोलं थुगु महोत्सवं खवप देता देश दुनयँ व देशं पिनयया पर्यटकपुं सालः काइगु नपां थानाया कला व संस्कृतिं सकलसिया मन सालः काइगु खाँ प्वंकः दिल ।

उपप्रमुख पिनिगु पुचलं खवपया प्रश्नशील महाविहारय तयो तःम्हा एकान्त कुमारी (म्वाम्हा द्यो), नवदुर्गा द्यो ब्वयक तःथाय् खवप इञ्जिनियरिड कलेजया शैक्षिक ब्वज्या व खवपया लायकुली ब्वयोतःगु भ्नीगु पुलांगु तिसावस, नेवः जीवनया ज्या इवःत ब्वयो तःगु नपां लायकुली सांस्कृतिक ब्वज्या नपां थी थी थासय्या घरेलु उत्पादन व हस्तकलाया ब्वज्या थाय् थासय् भ्नायो स्वयो दिल ।



ब्वज्यात स्वय धुंकः खवप नगरपालिकाया उप प्रमुख रजनी जोशी पाहां पुं प्रमुख व उप प्रमुखपिन्ता खवप नगरपालिकाया थी थी पिथनात व मतिनाया चिं लःल्हाडः दिल ।

**नगरपालिका भ्नीगु हे संस्था खः
इलयहे करपुल ग्वाहाली याय्नु**

खुला बाँसुरीया धिंधिं बल्ला क्वचालः

मंसिर ३० गते



खवप नगरपालिकाया गवसालय् जुगु खवप महोत्सव २०८१ या लसताय जुगु खुल्ला बाँसुरी बाजाया धिंधिं बल्ला आइतबार क्वचाल । शनिवार व आइतबार नेन्हू यंकः जुगु उगु बाँसुरी बाजाया धिंधिं बल्लासं भ्नीगु नेवाः बाँसुरी बाजा खलः चन्द्रागिरी न्हाप, रुद्रायणी बाँसुरी खलः खोकना, यल ल्यू, व श्री नासः हैमा बाँसुरी बाजा खलः ल्यू या ल्यू, देवी सांस्कृतिक बाजा खलः चांगु नारायण नगरपालिका व निक्वे दाफा खलः मध्यपुर थिमिं हपाः सिरपा त्याकगु खः ।

ज्या इवः सं तः लापुं पुचः ता नेपाल मजदुर किसान पार्टीया नायो भाजु नारायणमान बिजुक्छेँ (रोहित) जुं नगद सिरपा व बाजाया सामानत सिरपा काथं लः ल्हाडः द्यूगु खः ।

ज्याः इवः सं नायो भाजु बिजुक्छेँ जुं भ्नीगु थःगु मौलिक कला, संस्कृति, भाय, म्वायगु पहः जक मखुसें बोली व्यवहार पाहाँ हानयगु थजगु नं सुसंस्कृत जुय मःगु अलय व फुक्क संस्कृति दुनय हे लाइगु खाँ ब्याकसे न्हँगु पुस्ताता नेपाल भाषा ल्हायगु व चवयगु स्यनय मःगुलि बः यासे खवप महोत्सव याडः खवपया भ्नीगु थः गु पहः (मौलिकता) ब्वय दैगु नपां न्हँगुपुस्ताता थुकिया खाँ खाडः धवा थुइके दै धायोदिल ।

नायो भानु बिजुक्छेँ जुं भ्नीगु भासं भ्नीगु म्हासिहका पिब्वईगु नपां थी थी भाय् सय्के फःसा संस्कृतिया कालबिल यायता ग्वाहाली जुइगु खाँ ब्याकसे थी थी राष्ट्रिय अन्तर्राष्ट्रिय भाय ल्हाय सःपुं न्हँगु पुस्ता ब्वलांकय् फः सा खवप दे पर्यटकपुं

छक मवसें मगागु गन्तव्यस्थल यायता ग्वाहाली जुइगु अलय जनताया सांस्कृतिक चेतनाया बुलुमि ग्वाकय् फःसा समाज्य् ह्युपा ह्यफै धायो दिल ।अलय् खवप नगरपालिकाया नियम व मापदण्डकाथं नक्सापास याडः छे दानयता नगरपालिकाता ग्वाहाली याय् मःगु नपां नगरता सभ्य व सुसंस्कृत यायता साडः चवंगु नगरपालिकाया तातुना बुलुहुँ पुवाडः वगु दः धायो दिल ।

ज्या इवः या नायो नपां खवप नगरपालिकाया प्रमुख सुनिल प्रजापति जुं नगरपालिकां खवपया सांस्कृतिक व पर्यटकीय धरोहरत म्वाकः तयता दायँ दायँ पतिकं बाजाया धिंधिं बल्ला याडः वयो चवंगु खाँ ब्याक दिल ।

प्रमुख प्रजापति जुं खवपया पुलां पुलांगु सीप, न्हँगु



सच्छिव स्वीच्यागुगु स्वप पौ. ब.छि पौ(पाक्षिक)

पुस्ताता स्यनयगु नपां लः ल्हाडः बियगु ज्या इवल्य् ख्वप नगरपालिकां थी थी तालिम व धिं धिं बल्ला गवस गवयो वगु नपां ख्वप दे ज्व : मरुगु सम्पदाया तः मिगु थाय् खः धायो दिल ।

ख्वप नगरपालिकाया जनप्रतिनिधिपिसं चुनावी घोषणापत्र काथं जनताता निःस्वार्थ सेवा बियगु, तातुना काथं थःगु ज्या इवः त ह्छ्यासे ख्वप दे विदेशीया ग्वाहालीं दयकगु सहर मखु श्व जनताया साथ व ग्वाहालीं दयकगु सहर खः धायो दिल ।

उगु ज्या इवः सं ख्वप नगरपालिकाया प्रमुख प्रशासकीय अधिकृत वसन्त भट्टराई जुं सुभाय् न्वचु तयो द्यूगु खः सा ख्वप नगरपालिका वडा नं १० या वडाध्यक्ष लक्ष्मी प्रसाद ह्योमिखा वडा नं. ९ या वडाध्यक्ष रबिन्द्र ज्याख्वं ल्यज्यामिपिनि पाखं जीवन आले नं न्वचु तयो द्यूगु खः । ज्या इवःसं धिंधिं बल्लाया क्व छिना ल्य ज्यामिया दुजः धर्म मुनिकारं न्यकः

द्यूगु खः ।

धिंधिं बल्लाय् न्हाप लापिन्ता डयद्व दां व बाजा सामग्री ल्यू लापिन्ता पीद्वतका दां व बाजा सामग्री, ल्यू या ल्यू लापिन्ता स्वीद्वतका दां व बाजाया सामग्री अलय हःपा सिरपा त्याकपिन्ता नीद्वतका दां व बाजा सामग्री सिरपा ब्यूगु खः । ब्वति कःपुं पी खुश्व पुचः ता बजी खर्च काथं डाद्व तका दां व (मग खिं) मादल छगः छगः ब्यूगु खः ।

उगु ज्या इवः सं नगर प्रमुख प्रजापति जुं ल्य ज्यामिपिन्ता सुभाय पौ नपां मतिनाया चिं लःल्हाडः ब्यूगु खः । उगु ज्या इवः या ल्य ज्यामिपुं डा.पुष्प रत्न शाक्य, धर्म मुनिकार, दीपेन्द्र बज्राचार्य, सीता मैयाँ राजचल, जीवन आले, दश राम त्वाती, राजकुमार मानन्धर, इन्दिरा लाछिमस्यु, रवि कपाली, रत्न सुन्दर जताधारी, देव चन्द्र बज्राचार्य, बिष्णु बहादुर मानन्धर, कृष्ण सुन्दर प्रजापति, मुक्ति सुन्दर जधारी, आशाराम बैद्य, राजेन्द्र श्रेष्ठ, पञ्चलाल लाछिमस्यु, गोविन्द दुवाल व हेरा छ्याजु च्वडः द्यूगु खः ।

नेमकिपाया छ्याञ्जे सुवाल महोत्सव स्व भासे

मंसिर ३० गते



ख्वप नगरपालिकाया ग्वसालय जुगु डान्ह्या ख्वप महोत्सवया स्वन्हू खुनू नेपाल मजदुर किसान पार्टीया छ्याञ्जे नपां संघीय सांसद प्रेम सुवालं ख्वपया थी थी थासय भायो ब्वज्यात स्वयो दिल ।

उगु इवल्य् छ्याञ्जे सुवालं चोछ्यां योमारी ब्वज्या, पुलांगु कुति वाइगु व छँज्या व बँज्याख्य् छ्यलिगु ज्या भःतः स्वयो दिलसा भोलाछँ भीगु पुलाँगु कासात कसिमला पायँ नं स्वयोदिल । नपां वयकलं स्टलय च्वडः मिगु ज्या नं याइपिन्के गुलितक देशं दुनयया पर्यटकपुं गुलितक वगु दः धायो न्यडः

दिलसा नागपुखुली (थालाछँ) प्रभात सेकण्डरी स्कूल पिब्वगु तगिया इवः काथंया सामुहिक सांस्कृतिक ब्वज्या व किपा ब्वज्या स्वयोदिसे किपासं न्हिल्या नं तःसा बांलाई सुभात बियो दिल । अथेहे वयकलं याछँसं याछँ गणेश नौबाजा दाफा भजन, लालाछँसं धौ महोत्सव वडा नं. ७ गोमारी शिवरात्री गुथिया गुलाँ धलं नौ बाजा १५० दा पुलांगु डखः बाजाया नं खाँ थुइकः दिल ।

अथेहे भौरवहीसं बौद्ध पिथनात स्वस्वं पुलां पुलांगु वस्तुत ल्यंकः म्वाकः तय मःगुलि बःबिसे वयकलं गोमारी याताय् प्रगतिशील भजन व सहकारीया ज्या इवःत स्वयो दिसे (स्थानीय उत्पादन) भीथाय् दयकगु चाकु वास, सुं थाडः दयकः तःगु सामानत, गलसी पुखुली नेवः जीवन शैली स्वयो दिसे योसिं ख्यलय् भायो बाल मैत्री मेलासं तान्त्रिक द्योया चर्चा प्याखं नं स्वयो दिल ।

छगू प्रसङ्गय वयकलं संस्कृतिया अध्ययन व अनुसन्धान याय्गु छगू अवसर काथं ख्वप महोत्सव्यता कायमःगु अलय थजगु महोत्सवं न्हँगु पुस्ताता संस्कृति ल्यंकः म्वाकः तयमः धाय्गु ग्वाकः बिइगु खाँ ब्याकसे संस्कृति मानव सभ्यताया विकासनपां वगु खः धायोदिल ।

स्वः भाय्गु इवल्य ख्वप नगरपालिकाया वडाध्यक्षपुं, कार्यपालिकाया दुजः पुं वडाया दुजः पुं, कर्मचारीपुं नपां महानुभावपुं नं भायो महोत्सव स्वयो द्यूगु खः ।

विदेश्यु ब्वं वापुं ल्याहाँ वयो थःगु देश्यु ज्या सानय्यु मति तयमः

मंसिर ३० गते



निःस्वार्थ जुयो देश व जनताया सेवा याय्यु तातुडः ज्या या यां वाडा बलय् खवप दे थौं याय्यु अवस्थाय् थ्यंगु खः । चवयया खाँ नेपाल मजदुर किसान पार्टीया नायो भाजु नारायण मान बिजुक्छौं (रोहित) जुं खवप नगरपालिका पाखं चाय्कः तःगु खवप इन्जिनियरिङ्ग कलेजया नी स्वकगु व खवप कलेज अफ इन्जिनियरिङ्गया हिंखुकगु दँ बुदिया लसताय् ग्वसः ग्वगु ज्या इवः सं न्वचु तयो द्यगु खः ।

ज्या इवः सं वयकलं - छगू छगू विषयलय् थःगु तुतिख्य दानय्यु कुतः मयागुलिं थौं हलिमयया देतय्के फ्वडः नयमःगु खः धायोदिसे ब्वनामिपुं देशं दुनय् व देशं पिनय न्हयाथाय् हे ब्वडः वसां देश व जनताया सेवा याय्यु भावानां ज्या सानय् मः धायोदिल ।

अः १० लाख नेपः मिपुं विदेश्यु च्वंडः च्वंगु खाँ ब्याकसे वयकलं विदेश्यु च्वंगु नेपः मिपिसं नं देश व जनताया निंतिं ज्या सानयगु भावना ब्वलांकय्मः धायो दिसे दँ मुंज्या ज्या इवः सं मू पाहाँ बिजुक्छौं जुं कलेज सेवासं मदिकक नीदा व हिदा सेवा याडः द्यपुं प्राध्यापक नपां कर्मचारीपिन्ता हनापौं व धेबा सिरपा बियो दिल ।

उगु इवल्य वयकलं नेगू कलेज्यु ब्वनय ब्यापुं मध्ये च्वः जः पुं ब्वनामिपिन्ता हना-पौ व दां देछाडः लःल्हाडः दील । नपां थी थी कासाया धिंधिं बल्लासं टी २० अन्तर कलेज पुरुष क्रिकेट धिंधिंबल्ला व अन्तरकलेज महिला भलिबल धिंधिं बल्लासं त्याकपुं कासामिपिन्ता मेडल दसिपौ लः ल्हागु खः ।

कलेज सञ्चालक समितिया नायो भाजु नपां खवप नगरपालिका प्रमुख सुनिल प्रजापति जुं दः बुदिया सभाया नायोया भाला कुबियो दिसे खवप नगरपालिकापाखं चाय्कः तः गु कलेजत पलिस्था यासेलिं समाजता बुद्धिजीवीकरण याय्यु ज्याख्य हज्यागु खाँ ब्याकसे खवप महोत्सवं खवप देयाजक मखुसँ देयाय् कला व संस्कृतिता कः घाडः गौरवपूर्ण धरोहरत गथे खः अथे हे ल्यंकः, म्वाकः, भिंकः तय्युः धायोदिल ।

खवप महोत्सवय् जनताया अपलं साथ व ग्वाहाली दःगु, अपलं जनतातय्सं ब्वतिकायो ग्वाहाली यागु खाँ ब्याकसे वयकलं कलेज्यु जुयो च्वंगु शैक्षिक ब्वज्या नपांया ज्या इवःत पाखें महोत्सव जीवन्त जुगु खाँ काडः दिल ।

समारोहसं कलेज सञ्चालक समितिया उपाध्यक्ष नपां खवप नगरपालिकाया उप-प्रमुख रजनी जोशी खवप नगरपालिका खवप देता ज्ञान विज्ञानया केन्द्र दय्केता ज्या साड च्वंगु खाँ ब्याकसे भी पुर्खा त्वः तः तकगु थी थी मूर्त व अमूर्त सम्पदात खवप दे म्वाडः च्वंगु खाँ नपां वैगु पुस्ताया लागिं थुकिता ल्यंकः, म्वाकः भिंक तय्युः धायोदिल ।

विश्व सम्पदाया धलः खय नां जायो च्वंगु सम्पदा कन्हेया पुस्ताया लागिं ल्यंकः म्वाक, भिंकः तय्यु सकलसिया जिम्मेवारी खः धायोदिसे खवपया धेबां कायमरगु सम्पदात ल्हवनय-कानय व ल्यंकः म्वाकः तय्युलि इन्जिनियरिङ्ग कलेजयाय् नं लाहा दःगु खाँ कुलः दिसे अजगु सम्पदात भीगुया लागिं नं अनुसन्धानया तहांगु ख्य खः धायोदिल नपां खवप देता ज्ञान

सच्छिबत स्वीच्यागूगु खवप पौ. बःखि पौ(पाक्षिक)

विज्ञानया मू थायदयकेता अलय् चवःजःगु नगर दय्केता खवप नगरपालिका हज्याडः चवंगु दः धायो दिल ।

पूर्वाञ्चल विश्वविद्यालय इन्जिनियरिड संकायया डिन प्रा. देवीप्रसाद भट्टराईजुं खवप दे पुलांगु सम्पदा व संस्कृतिया तस्कं तःमगु सहर खः धायोदिसे खवप नगरपालिकां कला संस्कृति, पुलांगु नेवः तय्गु नसा -त्वसा, दाफा भजन, परम्परागत साङ्गीतिक प्रणाली, पुलां पुलांगु प्याखंत, तिसावस, व शैक्षिक ब्वज्या थजगु ज्या इवःखं खवप महोत्सवं समाज व देशता तप्यंक भिं जुइगु नपां पुलांगु खवप देता नां व कीर्ति नं चवजाइगु खाँ काडः दिल ।

कलेजं भिंगु चवजगु शिक्षा व अनुसन्धानय बःबियो समाजया गरिवपुं अलय् जेहेन्दार ब्वनामिपिन्ता छात्रवृति योजना अलय दांकः उच्च इन्जिनियरिड शिक्षा वियता अपुक ज्याइवः न्ह्याकः वगु खाँ ब्याकसे वयकलं समुदायया लिधंसाय न्ह्याकः चवंगु कलेजं देशय् प्राविधिक शिक्षा बियता मथामथां अलय बांलाक ज्यासानय फः धाय्गु खाँ बांलाक कयं धायो दिल ।

पूर्वाञ्चल विश्वविद्यालय इन्जिनियरिड संकायपाखं स्नातक व स्नातकोत्तर तगिया हिंदा पुलांगु पाठ्यक्रम ल्हवडः

भिकः, वांगु स्वंगू शैक्षिक सत्र निसें न्हंगु पाठ्यक्रम छ्यलं मूल्याङ्कन प्रणालीता ल्हवडः यंकगु व अन्तिम वर्ष (स्नातक तगिं पास यायता) खुल्लाया ताःहाकगु औद्योगिक इन्टर्नसिप मयासिं मगागु नियम दयकागु खाँ काडः दिल ।

उगु दें बुदिं ज्या इवः सं खवप इन्जिनियरिड कलेजया प्राचार्य ई. सुजन माकं कलेजया वार्षिक प्रतिवेदन अलय खवप कलेज अफ इन्जिनियरिडया प्राचार्य ई. सुनिल दुवालं कलेजया वार्षिक प्रतिवेदन पिबवयो दिल ।

ज्या इवः सं चवजपुं ब्वनामिपिसं ई. मेधाश्री खतिवडा, ई- गौरव भुसाल व ई योजना सापकोटा व कालेजया प्रशासकीय अधिकृत सन्जय मानन्धरं न्वचुतयो द्युगु खः । 'खवप महोत्सव २०८१' या लसताय २८ मंसिर निसें कलेजय् शैक्षिक ब्वज्यानपां थी थी धिंधिबल्ला न्ह्याकगु खः । पुस १ गते निसें last Buidding standing on shake table competition "Heritage cansarvation Past and Future" व 'विपद व्यवस्थापन चुनौति र समाधानका उपायहरु' विषयया Talk Program जुइसा पुस २ गते क्वचःइगु नपां सिरपा लः ल्हाय्गु ज्या इवः जुई ।

नेपालय दकलय् न्हःपांगु सिटिडः भलिबल

पुस १ गते

खवप महोत्सव २०८१ जूगु दकलय् लिपाया दिनसं ३:०० ताइलय् नेमकिपाया हानय् बहम्हा नायो भाजु नारायणमान बिजुकुछें जु पाखं डान्ह्या महोत्सव क्वचाय्किगु ज्या इवः दः । उगु महोत्सवय् थी थी विषय थें कासा लागाय् नं करौते, खोखो, जिम्नास्टिक, कबड्डी थजगु कासा नं क्वचाय धुंकगु जुल । वहे इवलय् दकलय् न्हःपां सिटिडः भलिबल या धिं धिं बल्ला नं सोमबार क्वचाल । खवपया स्वंगू मा.वि. त वागीश्वरी मा.वि. च्याम्हासिंग, गणेश मा.वि. भार्वाचो व श्री पद्म मा.वि. खौमा पाखं ब्वति कःगु २०८१ पुस १ गते क्वचःगु उगु कासासं श्री पद्म मा.वि. न्हाप, वागीश्वरीमा.वि. ल्यू व गणेश मा.वि. ल्यू या ल्यू लागु खः ।

नेपः देशय् दकलय् न्हःपां न्ह्याकगु उगु धिंधिं बल्लाया ल्यज्यामिया भूमिका नेपाल भलिबल संघया पूर्व महासचिव नपां अन्तर्राष्ट्रिय खेलाडी नपां जिल्ला भलिबल संघया नायो भाजु विनोदचरण राय, इन्द्र भक्त पंच, सत्यराम

न्हिसुतु व तिया सुवाल पिसं कुब्युगु खः ।

लुमांक दिसें थव नं हाँ नं नेपालय दकलय् न्हःपां बीच भलिबल, मिक्स भलिबल, पार्क भलिबल, फुटसल थजगु कासाया धिंधिंबला खवप पाखं हे न्हःपां न्ह्याकगु खाँ भक्तपुर भलिबल संघया नायो विनोद चरण राय जुं धायो द्युगु खः ।



प्रगतिशील साहित्यपाखं देश व जनताया सेवा याय् मः

पुस १ गते



नेपाल मजदुर किसान पार्टीया नायो भाजु नारायणमान बिजुक्छेँ (रोहित) जुं वरिष्ठ संस्कृतिविद् तेजेश्वरबाबु र्वंगः जुं चवयो द्यूगु 'मै एक मै अनेक' नाया चवखें मुना साफू खवप महोत्सव या लसताय साफू बवज्या याडः चवंगु थाय् लाम्हुगालय् सोमबार छगू ज्या इवः यासे चिखिफ्यनय् ज्या याडः दिल ।

ज्या इवः सं नायो भाजु बिजुक्छेँ जुं बिस्क विस्कं मनूया विस्कं विस्कं नुगः खाँ प्वंकिगु, थः थः गु हे पहः दैगु खाँ ब्याकसे साहित्यकारपिसं खाँग्वः बिम्ब व प्रतिकत छ्यल साहित्य चवइगु खाँ काडः दिल ।

साहित्यता प्रचारमा लिधंसाकाथं कायमःगु खाँ कुलः दिसे वयकलं प्रगतिशील साहित्य चवयो देश व जनताया सेवा याय् मःगु खाँ काडः दिल । नपां साहित्यकारपुं जनताया दशवी वान्य मःगु खाँ न्हिथांसे साहित्यकारपुं गब्लें नं राजनीतिं तापाक्क चवनय् फैमखु धायोदिल ।

साहित्य देश व जनताया निंतिं चवय मःगु खाँ ब्याकसे वयकलं साहित्यकारपिसं थःगु मिखालं खाडागु व भोगय् याडागु खाँत धवाथुइकः बाखं, चवखं व प्याखं आदि पाखय् चवसा न्हयाकय मः धायोदिल ।

ज्या इवः या मेम्हा पाहाँ खवप नगरपालिका प्रमुख सुनिल प्रजापति जुं खवपया कला व संस्कृतिया खाँ पिबवयगु इवलय् साहित्यकार तेजेश्वरबाबु र्वंगः याय् नं लाहा दःगु नपां वयकलं चवयो द्यूगु खवपया चवसु चवखं पाखं खवपया धात्थेंगु किपा बवय फःगु खाँ काडः दिल ।

प्रमुख प्रजापति जुं खवप दे कला व संस्कृतिया सहर जुगुलिं 'खवप महोत्सव पाखं अध्ययन अनुसन्धान याइपिन्ता महोत्सव छगू मौका काथं जूयो ब्यूगु खाँ ब्याकसे खवपया मूर्त अमूर्त सम्पदा अन्तराष्ट्रिय जगतय् म्हासिइकेता नं महोत्सवं गवाहाली याइगु नं काडः दिल ।

ज्या इवः सं साहित्यकार तेजेश्वरबाबु र्वंगः जुं न्हपाया थःगु साहित्य चवयागुया खाँ कुलः दिसे थमनं नेपाल



भाषा, खय् भाय् व अंग्रेजी भासं साहित्य चवयो वयागु खाँ नपां खवप नगरपालिकां यागु बवस्यलागु ज्या देशांदेछिया स्थानीय निकायतय्सं नं नं डाल काय मःगु अलय् फुक्क स्थानीय तहं देश व जनताया भिं जुइगु ज्या याय मःगु खाँ काडः दिल ।

वरिष्ठ निबन्धकार नपां सफूया सम्पादक श्रोओम 'रोदन' या सभानायोलय् जूगु साफूया चिखिफ्यनय् ज्या इवः सं सुन्दर स्वदेश प्रकाशया नायो ऋषि राम पाण्डे व प्रदीप सापकोटां नं न्वचु तयो द्यूगु खः ।

‘धेबा कमेयाडां जक त हांम्हा मनू जुइगु मखू’

पुस १ गते



नेपाल मजदुर किसान पार्टीया छ्याञ्जे नपां संघीया सांसद प्रेम सुवाल जुं ख्वप महोत्सव २०८१ या लसताय ख्वप नगरपालिकाया पिथना ‘सहकारी आवाज’ बुलेटिन सोमवार छगू ज्या इवः सं पिताब्वज्या याडः दिसे सहकारीया सिद्धान्तकाथं सहकारिनं स्थानीय जनतात दुजः जुइगु अलय कृषि एवम घरेलु तथा साना उद्योगत च्वजाय् केगु खः धायो दिल ।

सहकारी ज्या इवःया ब्वज्या गोमारी जुगु उगु ज्या इवः सं सांसद सुवाल जुं सहकारी संस्थां दुजः पिनिगु सांस्कृतिक स्तर च्वजाय् के मःगु, न्हँगु पुस्ताया शिक्षा, स्वास्थ्य, कासा, सीप विकासय् नं लाहातय मःगु खाँ ब्याकसे सहकारी संस्थां धेवा मुनय्गु थाय् जक मयासे दुजः पुं हे दुथ्याक उत्पादन व विकासयाय्गु संस्था जुयमः उकिं अपलं धेबा कमेयाडां जक सुं मनू तःहांम्हा व बुद्धिमान जुइगु मखु । धन (लक्ष्मी) या वाहां भुन्दु दयकः तःगु दः सरस्वतीया बाहाँ नाःया नाः दुर्या दुरु छुटय् याय् फःम्हा हायँ (राज हाँस) दयकः तःगु दः उकीं भी भुन्दु मखु खःगु मखुगु थुइके फःपुं राजहाँस थें जुय सयके मः धायो दिल ।

वयकलं २००७, २०४६ व २०६२/६३ सालया आन्दोलन याडः सरकारय वापुं संसदवादी दलतयसं नेपः या ‘हरियो वन तस्करतय्गु धन’ दयकला । नेपालं भारतय् सिँ तस्कर याडः च्वंगु पाडः नेपः मिपिन्ता दांकः सिँ बियो छँ दांकय् वियमः धायोदिल ।

ज्या इवः या सभाया नायो नपां ख्वप नगरपालिकाया प्रमुख सुनिल प्रजापति जुं ख्वप नगरपालिकाया पिथना सहकारी सम्बन्धी बुलेटिनय् च्वंगु च्वसु मुनात ब्वडः सहकारी संस्थाय् ज्या सानिपुं सञ्चालक व कर्मचारीपिन्ता सहकारीता सिद्धान्त व नीतिया ज्ञान बिइगु खाँ कासे बुलेटिनं सहकारी संस्थाता खःगु खाँपु क्यनि धायो दिल ।

वडा नं २ या वडाध्यक्ष नपां सहकारी समितिया कजि हरिप्रसाद बासुकलां डान्ह्या महोत्सव तः जिक तः लाकः हज्याडः च्वंगु खाँ ब्याकसे श्वहे लसताय सहकारीया ज्या इवः नं पिब्वयगु ज्या इवः तः खाँ काडः दिल ।

वडा नं ७ या वडाध्यक्ष उकेश कवां जुं सहकारी गतिविधित कुलयगु मतिं महोत्सवया अंग काथं सहकारीया ज्या इवः ब्वयागु थाय् दयकगु खाँ काडः दिल ।

ज्या इवः सं ख्वप नगरपालिकाया प्रमुख प्रशासकीय अधिकृत वसन्त भट्टराई जुं सुभाय देछायो दिलसा भक्तपुर जिल्ला बचत संघया नायो कृष्ण गोविन्द लाखाजुं सहकारी मूल्य व सिद्धान्त या खाँय सहकारीकःमि पुं व दुजपिसं ध्वाथुइकः च्वनय्मः धायो दिल ।

ज्या इवः सं सहकारी समितिया दुजः पुं नेम्हा जितेन्द्र मुनंकःमि व कार्यपालिकाया दुजः रञ्जना त्वातीं नं च्वचु तयो द्यगु खः । अथेहे थी थी ब्वनय्कथिया ब्वनामिपिसं प्याखं क्यंगु खः ।

खवप महोत्सवया किपात

मंसिर पुस १ गते



यल महानगरपालिकाया प्रमुख चिरीबाबु महर्जन जु खवप महोत्सव स्वःभाल । वहे इवलय नेपाल मजदुर किसान पार्टीया नायो भाजु नारायण मान बिजुक्छें (रोहित) जु नपालाड दिल ।

नेपया लागिं चिनियाँ राजदूतावासया महामहिम राजदूत छन सोड यँ महानगरपालिकाया प्रमुख बालेन्द्र शाह, चौतारा साँगाचोक गढी नगरपालिका प्रमुख कृष्ण प्रसाद सापकोटा, केपु नगरपालिकाया प्रमुख कृष्णमान डंगोल जू पिसं खवपय् भायो खवप महोत्सव स्वयो दिल । (पुस २ गते)

नेपःमिपिन्ता थाना हे ज्या बियमःगु

पुस २ गते

विदेशी विश्वविद्यालय व कलेजं नेपःया कलेजता ब्वनामि मदय्कः यंकय्गु इलय् विश्वविद्यालयसं थी थी पदय जुइगु नियुक्ति योग्यतां मखुसँ दलगत भाग वण्डां यागुलिं शैक्षिक लागा अज धू याइतिनिं धायो दिसे नेपाल मजदुर किसान पार्टीया छ्याञ्जे नपां संघीय संसद प्रेम सुवालं खवप नगरपालिका पाखं चाय्कः तःगु खवप इन्जिनियरिड कलेज व खवप कलेज अफ इन्जिनियरिड या खवप महोत्सव २०८१ या लसताय २८ मंसिर निसँ पुस २ गते तक ग्वसः ग्वगु शैक्षिक ब्वज्या नपां कलेजया देँ बुद्धिं समारोहया न्वचु तयो दिल । वयकलं भ्रष्टाचारीतय्गु सम्पति जफत याय्गु कानुनी प्रावाधान दःसां नं दां दां हाँ निसँ भ्रष्टाचारीतय्गु सम्पति जफत मज्गु खाँ न्हिथांसे प्रधानमन्त्री नपां २५म्हा विशिष्ट व्यक्तित्वपिनिगु सम्पत्ति विवरण सुचुकःतःगु छाय धायोदिसे वैदेशिक रोजगारया नामय नेपःमि पिन्ता विदेशीतय् च्यो भ्वातिं याय्गु भारतया भाडाया सिपाही याय्गु नपां म्ह्याय् मस्त मिसामस्त मिय यंकः च्वंगु खाँ कुल दिस. न्हिं ७००० पासपोर्ट छापय् याय्ता थाकुल जक दक परराष्ट्र मन्त्री धःगु दुःखया खाँ खः धायो दिल नपां नेपः मि पिन्ता थः गु देशय हे ज्या बियमः दक नं बःयाड दिल ।

वयकलं तःक हे सरकारय् वापुं संसदवादी दलतय्सं नेपःया हरियो बनता तस्करया धन याता । नेपः या सिँ भारतय् तस्करी याडः खुयो यंकिगु पाडः, नेपालय हे छ्यय्के बियमः धायोदिल ।

स्वनिगःया चा तस्कं नाइसे च्वं । थाना तस्कं इयातुक कडक्रिटया जङ्गलथें याडः तःतः खागु छँ दानय्गु उपयुक्त मजु । छन्हू नं छन्हू स्वनिगः कवतुडः वानय् फःगु खाँ ब्याकसे स्वनिगलय् अपलं च्वँ वयो च्वंगु ता पाडः तय्ता उथिग्यंकः विकास याय्मः धायो दिल ।

बहुदल वगु स्वीडादा दय धुडा नं दे थःगु तुतिखय् चुइके फँगु खायँ शासक दलत हज्याय् मफगु खाँ ब्याकसे शासक पार्टी तय्के पालपः, सरकारय् वानय्गु, प्र.म. जुयगु व देश कतया भरय् डाय्केगु थजगु ज्याखय छपा जगु खाँ व्याकः दिल । कांग्रेसया गुरु वि.पि. कोइराला, एमालेया गुरु पुष्पलाल भारतीय पुँजीया सेवा यागुलिं राणा शासनया विरुद्धय आन्दोलन यागु खाँ कुल दिसे अः कांग्रेस एमाले भारतीय एकाधिकार पुँजीता देया खुसीत म्युगु, भारतीय पुँजीया सेवायागु, प्रधानमन्त्री, मन्त्री जुयता भारतीय नेताया शरणय् वांगु खाँ ब्याकसे वयकलं देया मानवीय व प्राकृतिक स्रोत, भारतता बियगु मखु नेपालय हे



छ्यलय मः धायोदिल ।

सुनं नेपःमिं देशय दुनयया धेवा विदेशय लाय् छ्यलय मरुगु कानुनी व्यवस्था दःगु खाँ कुलः दिसे वयकलं सहकारी व बैडकय् दःगु जनताया मुडःतगु बचतया धेवात दलाल तयसं विदेशय लाय छ्यलः बचत कर्तापिन्ता गालय् थुंगु खाँ काडः दिसे बजारय् विषादी दःगु तरकारी मियो तःगु लि सचेत जुयमः अलय ३ खर्ब ५२ अर्बया विकास खर्च थुगु डालाखय् मुक्कं ४० अर्ब ८० करोडजक खर्च जूगुलिं सरकार नालायक जूगु सिय दः धायो दिल ।

वयकलं नेपालय छम्हा योग्यम्हा नेता दयम गु खाँ छम्हा विदेशी धःगु खाँ काडः दिल । थःगुतुतिखं चुयो मदासैं कतया तुतां चुयो डायो वानिगु सरकारया नीति मिलय मजुगु खाँ काडः दिसे विश्वबैडक, आई, एम, एफ व एडिबी थजगु साम्राज्यवादी नपां सरकारं ऋण काड्गु अलय पूर्वाधार विकासया लागिं BRI नपां ऋण मकाड्गु नीतिं दे विकास याय्गु खायँ सरकार गुलि संवेदनशील जू धाय्गु खाँ उलः कयं धायो दिल । सार्वजनिक जग्गा कमलपोखरी सं दांगु छायोदेवी कम्प्लेक्स तुरुन्त थुयमः गु अलय जनताता शेयर मियो छायोदेवी कम्प्लेकसे जनताता फसय् याय् तांगु दः धायो दिल ।

खवपया सल्लाघारी १०८ पी जग्गाय् खवप विश्वविद्यालय पलिस्था याय्ता माग याडः च्वंगु खाँ कुलादिसे खवप विश्वविद्यालय विधेयक सरकारं पारित याय्ता नं माग याडः दिल ।

कलेज सञ्चालक समितिया नायो नपां खवप नगरपालिकाया प्रमुख सुनिल प्रजापति जुं समापन समारोहया

सभानायोया भाला कुबियो दिसे खवप नगरपालिकाया गवसालय न्ह्याकगु डान्हाया महोत्सव नपां कलेज तय्गु शैक्षिक ब्वज्या तःलाक क्वचाय्केता ग्वाहालीयापुं सकलासिता सुभाय देछासे महोत्सवया डान्हातक बिस्क-बिस्क पहःया ज्या इवः त कयंगु खाँ काडः दिल । महोत्सवया थी थी स्थानीय तहया प्रमुख, उपप्रमुखपुं अपलं भःगु खाँ ब्याकसे कला, संस्कृति, भाय, साहित्य थजगु विषय सय्केगु मति दः पिनिगु लागिं थुगु महोत्सव विश्वविद्यालय थें जुड्गु खाँ काडः दिल ।

खवप महोत्सव खवप याय्गु जक मखुसैं देयाय् हे कलासंस्कृतिता क. घाडः गौरवपूर्ण धरोहरता गथे खः अथे हे ल्यंकः, म्वाकः व भिकः तय्गु खाँ ब्याकसे थयं मथयं न्हाडः हे वानय तांगु खः प्याखं कयनय् फयागु गर्वया खाँ खः धायो दिल ।

खवप महोत्सवय जनताया साथ व ग्वाहाली दःगु खाँ कुलदिसे कलेजय् जुयो च्वंगु शैक्षिक ब्वज्या थजगु ज्याख महोत्सवता अज जीवन्त यागु खाँ ब्याक दिल ।

अथेहे वागमती प्रदेशसभाया दुजः सृजना सैजुं प्यालिस्टिनी जनता थःगु मातृभूमिया रक्षाया लागिं कपः क्व मछुकसिं ल्वाडः च्वंगु अलय अमेरिकी व इजराली फासीवादी व न्हूंगु नाजीवादी हमलाया विरोधे ल्वाडः च्वंगु दः धायो दिल । जलाखाला दे चीनं म्हवचा इलय् हे एक अर्ब चालिस करोड जनताता गरिबीं थाकायो अभूतपूर्ण ज्या यागु खाँ ब्याकसे वयकलं अः चीनं BRI पाखं हलिमयया सच्छिमयाकं देशय पित्या नपां पूर्ण विजय याय्गु लडाईसं ग्वाहाली यासे आधुनिक विज्ञान व प्रविधिया आविष्कार व उपलब्धी अपलं छ्यल वगु खाँ कुल दिल ।

सच्छिक्त स्त्रीच्यागूगु स्वप पौ. ब.छि पौ(पाक्षिक)

खपय बागु शताब्दी हॉनिसे कला, संस्कृति, सम्पदा, भाय, इतिहास म्वाकः तयगु व हाकनं म्वाकः तय थाकगु व ताःहाकगु अभियान न्ह्याकः वगु खॉ व्याकसे पुलांगु (प्राचीनता) नपां न्हँगु (आधुनिकता), ज्ञानविज्ञान व समाजता बुद्धिजीवीकरण यायगु ज्याखय् खप दे हज्याड च्वंगु खॉ काडः दिल ।

विज्ञान व प्रविधिया लागाय् चतारं हज्याडः हिकुपुलः वांडः विश्व ए आइखय् द्रहँ वाडः च्वंगु थौया सन्दर्भय् न्हँगु पुस्ता योग्य, सक्षम अलय् सिर्जनशील मजुसँ मगा धायोदिल ।

समारोहसं खप इन्जिनियरिड कलेजया प्राचार्य ई. सुजन माकं कलेजया फुकक परीक्षाया लिचवःया ल्यज्यायासे देया औसत पास जुगु प्रतिशत स्वयो यक्व बांलागु लिचवः खप यायगु दःगु खॉ काडः दिल । कलेजय ब्वकिपुं शिक्षकपुं अलय थाना ब्वंपुं ब्वनामिपिसं राष्ट्रिय अन्तरराष्ट्रिय लागाय् च्वजःगु योगदान याड वगु खॉ काडः दिल । खप महोत्सव नपां देबुदिया लसताय जगु शैक्षिक ब्वज्यासं डागू विश्वविद्यालयं ब्वति कःगु खॉ काडः दिल

अथेहे खप कलेज अफ इन्जिनियरिड्या प्राचार्य ई. सुनिल दुवालं शैक्षिक ब्वज्या ब्वनामिपुं अलय ब्वकिपुं शिक्षक पिनिगु प्राज्ञिक उन्नयनया लागिं बांलागु ज्या जुइगु खॉ ब्याकसे डान्ह्या शैक्षिक ब्वज्यायाय ब्यवस्थापनया लागिं ग्वाहालीं यापुं सकलें सिता सुभाय् देछायो दिल ।

उगु क्वचःगु ज्या इवःसं खप इन्जिनियरिड कलेज उप प्राचार्य डा.सुवेगमान बिजुकुछँ, खप कलेज अफ इन्जिनियरिड्या उप प्राचार्य रत्न शोभा प्रजापति व प्रशासकीय अधिकृत सिद्धिराम सुवाल नं न्वचु तयो द्यगु खः ।

क्वचगु ज्या इवः सं डान्ह्या शैक्षिक ब्वज्याखय् जगु आर्किटेक्टया विषयसं श्री-डी मोडलया धिंधिबल्ला, सिभिल इन्जिनियरिड्या खॉय श्री-डी मोडलया धिंधिबल्ला, रोबोटया धिंधि बल्ला, सफ्टवेयरया धिंधिबल्ला Last Building standing on Shake table competition या तःलापुं पुचःता मूपाहॉ पाखं टफी, मेडल, दसिपौ व नगद पुरस्कार लः ल्हाडः दिल ।

‘न्हपाया खप दे’ विषय अन्तरसंवाद

पुस २ जते

खप महोत्सव २०८१ या इवल्य मंगलवार साफू ब्वज्या यागु थाय् लाम्हागालय ‘विगतमा भक्तपूर’ (न्हपाया खप दे) या इतिहासया खायँ अन्तर संवाद ज्या इवः इतिहास अन्वेषक प्रा.डा. पुरुषोत्तमलोचन श्रेष्ठया पाहॉ सुइ जुल ।

ज्या इवः सं वयकलं मल्लाकालय् नेपः राज्यया राजनीतिक राजधानी काथं हज्याडः च्वंगु खप दे थौ कन्हे नेपःया सांस्कृतिक राजधानी जूयो च्वंगु खॉ नपां खप व स्वनिगलय् थी थी थासं वपुं जुजुपुं व शासकपिसं हःगु न्हँ न्हँगु संस्कार संस्कृति नपां कः घाडः वांसेलिं संस्कृतिया तः मिगु थाय् जगु खॉ काडः दिल ।

खप अलय् स्वनिगःया आर्थिक समृद्धि खय् थानाया उर्वरभूमि व उगु भूमि अन्नसयकिपुं किसान तयगु मेहनत व

हिचतिया तहांगु लाहा दःगु खॉ नपां थानाया मूर्त व अमूर्त कला व शिल्पं नं आर्थिक व सांस्कृतिक काथं तः मि याय्ता ग्वाहाली याडः वगु खॉ काडः दिल ।

वयकलं ऐतिहासिक प्रमाणया लिधंसाय् खप दे स्वनिगःया दकलय् पुलांगु नगर खः धाय्गु सिय दःगु अलय् चां ल्हाडः च्वंगु ऐतिहासिक लागा नपां पुरातात्विक वस्तुत मालः स्वयगु व अध्ययन अजनं याय् मः धायोदिल । नपां वयकलं इतिहास मनय् वथं च्वइगु मखुसँ तथ्य र प्रमाणया लिधंसाय् च्वयमः धायोदिसे खप दे छगू जक धर्मया थाय् मखुसँ तन्न प्रधान (तन्न जःगु) दे जगु अजगु थासय् थी थी धर्म दुथ्याइगु खॉ काडः दिल ।

अन्तरसंवाद ज्या इवः न्ह्याकामि ई.सुजना प्रजापति याडः दयगु खःसा आना भःपिसं जिज्ञासा नं तःगु खः ।

टायमफर पोयम या खुकगु शृङ्खला

पुस २ जते

खप महोत्सवया प्यन्हँ खुनु लाम्हागालय सरस्वती विद्यागृहया हःनयँ आस्था सांस्कृतिक परिवारया Time for Poem या खुकगु ब्वः सोमवार जुल ।

आस्था सांस्कृतिक परिवारं कोभिड १९ या महामारी भवल्वयया इलय् ब्वंगु लकडाउनया इलय अनलाइन पाखं न्ह्याकगु Time for poem या खुगूगु

ब्व खप महोत्सवया छगू साहित्यिक पाटा काथं ग्वसःग्वगु खः ।

उगु ज्या इवः सं नीम्हा कविपिसं थःगु च्वखं न्यंकगु खःसा नेपाल मजदुर किसान पार्टीया केन्द्रीय दुजः सरोज राज गोसाईं जु साहित्यया महत्व कांसे थःगु बिचः नं न्यंकः दिल ।

खप महोत्सव २०८१ तःजिक व्वचाल

पुस २ गते



खपया देशं दुनय व देशं पिनयया पर्यटकपिन्ता मन व्वसायकः सालयुगु तातुड ग्वसः ग्वगु डान्हूया खप महोत्सव पुस २ गते मंगलवार तःजिक, धिसिलाक व्वचाल । नेपाल मजदुर किसान पार्टीया नायो भाजु नारायणमान बिजुक्छेँ (रोहित) जू या मूपाहॉलय खप महोत्सव २०८१ या ज्या इवः खपया लायकुली छगू समारोह यासे व्वचःगु खः ।

ज्या इवः सं नायो भाजु बिजुक्छेँ जुं जनप्रतिनिधिपिसं निःस्वार्थ जुयो ज्या सांसां सकल वर्गया जनताता भिं जुइगु खाँ ब्याकसे मेपिनिगु भरयु देश विकास यायुगु मति तःसा देश गुब्लें थःगु तुतिखयु दानयु फैं मखु धायो दिल ।

खप महोत्सव ज्वः छि सकल खपया जनताया मेहनत व्वयुगु ज्या जूगु खाँ ब्याकसे वयकलं महोत्सवया इलयु सकल सिनं थः थःगु थासं थमनं यायु मःगु कर्तव्य पू वांकगु खानयु दः धायो दिल ।

वयकलं खप नगरपालिकां सांस्कृतिक कालबिलया ज्या इवः अभू चख्यंक हछ्याडः यंकयु मःगु खाँ ब्याकसे वैगु दिनयु नं जनताया साथ व ग्वाहाली कायो ज्या इवः तः हज्याक यंकयुता ग्वाकः दिल ।

ज्या इवः या सभाया नायो नपां खप नगरपालिकाया प्रमुख सुनिल प्रजापति जुं खपया सम्पदा व जीवनशैली स्वयुता दायें लाखौं पर्यटकपुं चाहयु वैगु खाँ ब्याकसे देशं दुनय वं देशं पिनयुया पर्यटकपुं सालयुगु तातुडः महोत्सवया ग्वसः ग्वयागु खाँ काडः दिल ।

डान्हूया महोत्सवयु न्हिं खुगू लाख निसें च्यागू लाख तक पर्यटकपुं वयो स्वःवगु खाँ ब्याकसे वयकलं महोत्सवयु

न्हिं करोडौं तकाया कारोबार जूगु खाँ नं काडः दिल । खपयु चाहयु भाइपिन्ता न्हूँ न्हूँगु लू, सबः व ज्ञान छकलं क्यनयुगु मौका खप महोत्सवं ब्युगु दः धायो दिसे वयकलं शिक्षक, प्राध्यापक व्वनामिपुं बुद्धिजीवी, सकलसिता महोत्सव ज्ञान कायुगु मौका जूगु खाँ ब्याक दिल ।

वागमती प्रदेशया दुजः सुरेन्द्रराज गोसाईं जुं डान्हूया खप महोत्सवया दकलयु लिपाया दिनयु तकनं मन च्वजायु महोत्सव स्वयो च्वंगु खाँ ब्याकसे महोत्सवं जनताकयु दःगु परम्परागत सीप पिब्वयता, ग्वाहाली जूगु दः धायो दिल ।

नेपः या थःगु मौलिकता हे न्हांकः छोयता हमला जुयो च्वंगु इलयु खप नगरपालिकां संस्कृति व सभ्यता मौलिक रुपं व्वज्या यायु फःगु खाँ ब्याक दिल ।

उपप्रमुख रजनी जोशी महोत्सवयु मचादिसें ल्यासे - ल्याम्हो, व्वनामिपुं थाकालिपुं जेष्ठ नागरिकपुं सकलें मन व्वसायक व्वतिकःगु, स्व वगु हे तः लागु धायु मः धायो दिल ।

नेपःया लागिं चिनियाँ राजदूतावासया महामहिम राजदूत छन सोड जुं महोत्सव तःजिक हांगुली लसहांसे खपया जनताया लुमुगु लसकुस लुमांकयु बहजुगु खाँ काडः दिल ।

नेपाल भ्रमण वर्ष २०२५ या लसतायु खपयु सांस्कृतिक ज्या इवः यायुगु व्वः छिसे वयकलं उगु ज्या इवलयु चीनपाखं च्वजःपुं सांस्कृतिक पुचः खपयु वैगु चिनियाँ संस्कृति व नेपःया संस्कृति दश्वी सांस्कृतिक कालबिल जुइगु खाँ काडः दिल ।

भक्तपुरया प्रमुख जिल्ला अधिकारी गोपाल प्रसाद अर्यालं खप महोत्सव खप देता ज्ञान विज्ञानया मू थायु दयुकेता ताकी जुइगु खाँ काडः दिल ।

ज्या इवःसं खप नगरपालिकाया प्रमुख प्रशासकीय अधिकृत वसन्त भट्टराई जुं खपया परम्परागत संस्कृति न्हूँगु पुस्ताया हःनय व्वयुता व लः ल्हायुगु तातुना खप नगरपालिकायायुगु दःगु खाँ नपां महोत्सव तः लाकः हानयुता ग्वाहाली यापुं सकल सिता सुभाय देछायो दिल ।

ज्या इवःसं खप नगरपालिका वडा नं. ९ या वडाध्यक्ष रबिन्द्र ज्याखव नं न्वचु तयो द्युगु खःसा ज्या इवः सं मू पाहौं विशेष पाहौं पिन्ता नगरपालिका पाखं मतिनाया चिं लः ल्हाडः ब्युगु खः ।

‘लकस भिंक: तय्ता स्वंगंतुं तहया कुत: म:’

पुस ४ गते

फोहरत थासय् लाकय्गु छुं छगू पालिका वा स्वनिगःया जक समस्या मखुसैं देशां देछिया पालिकातय्गु मंक: समस्या खःधायो दिसे ख्वप नगरप्रमुख सुनिल प्रजापति जुं थजगु मंक: समस्या न्हांकय्ता संघ, प्रदेश व स्थानीय तहया मंक: कुतलं जक फैगु खाँ काडः दिल ।

नेपाल सरकार वन तथा वातावरण मन्त्रालय दुनयया वातावरण विभागं आ.व. २०८१/८२ या वार्षिक स्वीकृत कार्यक्रम पाखं वातावरण संरक्षण तथा सर-सफाई सम्बन्धी स्थानीय तहया असल अभ्यासत स्वयगु इवल्य् ख्वप नगरपालिकाया वातावरण संरक्षण सम्बद्धधननपां स्वापु दःगु ज्याया खाँ सिङ्केगु तातुडः यागु ज्या इवः सं न्वचु तयो दिसे वयकलं फोहर थासय् लाकय्गु खायँ थी थी देशया अनुभवं नं ख्वप देशं सय्कः आना वाडः स्वयो थुइकः थाना काथंछिं काथं छ्यलय् ताडागु खाँ काडः दिल ।

ख्वप नगरपालिकाया सभाकक्षसं जूगु उगु ज्या इवः सं वयकलं फोहर पाखं बांलागु आम्दानीया लुखा नं चाय्के फैगु खाँ ब्याकसे ख्वप नगरपालिकां ध्वगिइगु फोहरत मुडः ध्वगिइक नेपाली सः दय्कः किसानतय्ता मियो आम्दानी याडः वगु खाँ नपां फोहरता फोहर वैगु थासं हे म्हवचा याय्गु तातुडः छखा छखा छँ बिस्कं बिस्कं रंगया नेगः बाल्टिन बियो ध्वगिइगु व ध्वमगिइगु फोहरत बिस्कं बिस्कं मुडः वयो

च्वंगु अलय् अपा भत्ता, खुसीया सचुकुचु व औद्योगिक लागं जुइगु प्रदुषण लकस बांलाक तय्ता चुनौती जुयो च्वंगु दः धायो दिल ।

ज्या इवःसं ख्वप नगरपालिका श्यानिटेशन शाखाया प्रमुख दिलिप कुमार सुवाल जुं ख्वप नगरपालिका याडः वगु फोहर थासय् लाकय्गुया प्रस्तुति क्यडः दिलसा वातावरण विभागया सबिन देशारं लकस ल्यंकः भिंकः तय्गु व फोहर थासय् लाकय्गु असल अभ्यासया (स्थलगत निरीक्षण) थासय् हे वाडः स्वयता वन तथा वातावरण मन्त्रालय ख्वप नगरपालिका व धौ ख्य नगरपालिका ल्यःगु खाँ नं काडः दिल ।



शिचः हायका



जन्म :
२०२० कार्तिक १४ गते

निधन :
२०८१ पुस १२ गते

कुमार चवाल

ख्वप नगरपालिका वडा नं. ४ या पूर्ववडाध्यक्ष समाजसेवी **कुमार चवाल** मरुगुलिं शिचः हायकक्षे दुःखय् लाड च्वपुं परिवारजनपिसं धैर्यधारण याय् फय्मः धासे श्रद्धाञ्जली देछाय् ।

**ख्वप नगरपालिका
परिवार**

पाँचथर फिदिमया वडाध्यक्ष खपय्

पुस ५ गते

खप नगरपालिकाया प्रमुख सुनिल प्रजापति जु नपां पाँचथर फिदिम नगरपालिका वडा नं. ६ या वडाध्यक्ष विपन तुम्रोके जुं नपालाडः दिल । खप नगरपालिकां शिक्षा, स्वास्थ्य थजगु लागाय याडः च्वंगु डाल काय बहगु अभ्यासया खाँ थुइकेगु मति खपय चाह्यू भःम्हा वडाध्यक्ष तुम्रोके जुं खप नगरपालिका शिक्षाया मू थाय् कार्थ हज्याडः च्वंगु दः धायोदिल । नपालायगु इवल्य नेगू नगरपालिकांयाड च्वंगु असल अभ्यासया खाँ न काल बिल याड दिल । प्रमुख प्रजापति जुं वडाध्यक्ष तुम्रोके जु याता नगरपालिकाया पिथनात उपहार काथं लःल्हाड दिल ।



खप महोत्सव सकल खपया जनताया मंकः महोत्सव

पुस ११ गते

खप नगरपालिका वडा नं. ४ या गवसालय मंसिर २८ गते निसें पुस २ गते तक तः जिक हानयता ग्वाहाली यापुं सकल संस्कृतिकःमि दाफा भजन स्थानीय महिला खलः टीम, क्लव, ग्वाहालीमि पुचः नपां खानय् दयकः व मदयक ग्वाहाली यापुं सकले सिता सुभाय देछायगु ज्या इवः सं खप नगरपालिकाया प्रमुख सुनिल प्रजापति जुं खप महोत्सव सकल खपया जनताया मंकः महोत्सव काथं सभ्य, भव्य काथं क्वचाय्केता तः लागु नपां महोत्सवय जनतां थः थःगु परम्परागत सीप भीगु थःगु मौलिक ज्या इवः तः ब्वज्या यासे जनतात थमनं मनं खाडः हे ग्वाडः वगुलि सुभाय देछायो दिल ।

महोत्सवय नेसगू थासय् ज्या इवः पिब्वय् फःगु थःगु हे गौरवया विषय जूगु खाँ ब्याकसे वयकलं देशं दुनयया पर्यटकतय्गु मन क्वसाय्क सालय्गु तातुडः खप महोत्सव ग्वसः ग्वगु खाँ काडः दिसे पिनयया पर्यटकपिनिगु भरय् जक च्वडः भवं मथैगु खाँ नपां कोभिड भव्लवयया इलय् विदेशी पर्यटकपुं नेपालय् चाह्यू मव बलय् देया अर्थतन्त्रय् बांमलागु लिचवः लागु अनुभव काडः दिल ।

खप महोत्सव २०८१ स. थ्यं मथ्यं न्हय्गू लाख व नीद्विति पर्यटकपुं वयो स्वः वगु लिं थुगु इलय् थानाया विशेषतां जःगु ब्वज्या याडः क्यनय् दःगु खाँ ब्याकसे वयकलं महोत्सव ज्वः छि पार्किड ब्यवस्थापन नगरया सुचुकुचु बांलागु अलय् थथे तः जिक महोत्सव हानय् फः जनताया अपलं अपः दुग्यंगु ग्वाहाली जूगु खाँ ब्याकः दिल ।



खप नगरपालिका वडा नं. ४ या वडाध्यक्ष उपेन्द्र सुवालं महोत्सव ज्वः छि जिम्मा कुबियो ब्वज्या याडः द्यूपुं सकलें संस्कृति कःमि दाफा भजन स्थानीय मिसा पुचः, टीमः, क्वलवता सुभाय देछायो दिल ।

अथेहे ४ नं. वडाया दुजःपुं विष्णु केशरी दुवाल, कृष्ण सुन्दर प्रजापति, पूर्व जनप्रतिनिधि पशुपति प्रजापति व कृष्ण लक्ष्मी दुवालं नं न्वचु तयो द्यूगु खः ।

८ वडाया् सांस्कृतिक ब्वज्या क्वचाल

खवप महोत्सवया लसताया् खवप नगरपालिका वडा नं ८ जेलाँय् जुयो च्वंगु डान्ह्या सांस्कृतिक ज्या इवः पुस ३ गते क्वचाल । उगु ज्या इवःसं ब्वतिकःपिन्ता सांस्कृतिविद नपां इतिहासकार प्रा.डा. पुरुषोत्तम लोचन श्रेष्ठ जुं हना पौ लः ल्हाडः द्यूगु खः । वयकलं जेलाँ त्व ऐतिहासिक व सांस्कृतिक महत्वं जःगु त्वः खः धायोदिसे नेपाल सम्बत च्वयो तःगु ल्वहँ पौ मध्ये जेलाँ फल्चाय शड्खधर कृत नेपाल संवत च्वयो तःगु दुर्लभ शिल्लापत्र दःगु खाँ काडः दिल ।

प्रा.डा. श्रेष्ठ जुं खवपया लिच्छवीकालीन राजधानी जुयो च्वंगु दतात्रय वानिगु मू लाँ जूगुलिं जेलाँ त्वः खुस दा हाँ हे बूती न्ह्याकगु थाय् जक कुलः दिसे वाकुपति चाँगुनारायण पलिस्था यासेलिं खुसदा हाँ दे हरिशङ्करया देगः पलिस्था

यागु खाँ नं काडः दिल । ज्या इवः सं वांगु कार्तिकया कौलाश्व द्वादशी व त्रयोदशी खुनुं लामगालय् जूगु पीप्यकगु नेपाल भाषा साहित्य तः मुंज्यासं सिरपा त्याकगु पुचः ता सिरपा व दसिपौ लः ल्हाडः दिसे नेमकिपा ८ वडा समितिया नायो लक्ष्मी नारायण दुवालं नगरपालिकां संस्कृतिया म्हासिडका ल्यंकः तसे पर्यटकपुं दुकाय्गु तातुडः महोत्सवया ग्वसःग्वगु खाँ काडः दिल ।

उगु ज्या इवः सं न्हा याय्म्हा वडाध्यक्ष महेन्द्र खायमली महोत्सवं तः लाक्यता वडास्तरं योगदान यापुं खलः व मनू तय्ता सुभाय् देछायो दिल । रामसुन्दर बासी ज्या इवः न्ह्याकगु उगु ज्या इवः वडा नं. ८ या वडाध्यक्ष कृष्ण प्रसाद कोजूया सभा नायोलय् जूगु खः ।

पुर्खा दयकगु सम्पत्ति भूगु कला व संस्कृति

खवप नगरपालिका

नगर कार्यपालिकाया कार्यालय, व्यासी - २

सुभाय

खवप नगरपालिकाया ग्वसालय २०८१ मंसिर २८ गते निसें पुस २ गते तक जुगू खवप महोत्सव २०८१ तः जिक, धिसिलाक क्वचाय्केता ग्वाहाली याडः द्यूपुं मू पाहाँ, विशेष पाहाँ, पाहाँपुं, मित्र राष्ट्र श्रीलङ्का, पाकिस्तान, रूस व चीनया कूटनीतिज्ञ सकल सांस्कृतिक पुचः व प्याखं म्वः पुं भक्तपुर घरेलु तथा साना उद्योग संघ, भक्तपुर पर्यटन विकास समिति, भक्तपुर पर्यटन सद्भाव संघ, भक्तपुर स्थानीय पथ प्रदर्शक परिचालन समिति, सकल घरेलु तथा हस्तकला व साना उद्योगीत, चित्रकला, पौभाकला, छावलीकलाया कलाकःमिपुं, किपाकायोदयपुं किपालुमिपुं, दाफा भजनया पुचः पुं, नगराबादकपुं, बाघ बादन सामग्री दयकिपुं, रंजितकार समाज, बहावही व म्वाम्हा द्यो कुमारी व्यवस्थापकपुं, नवदुर्गा गण, प्रकाशन गृहत, चाभाला छिडपुं मृत्तिका कलाया कलाकारपुं, नौ बाजा दाफा भजन समूहत, परम्परागत चिकं काकःपिकाइपुं, बाजंथाइपुं बाद्यवादकपुं, बाँसुरी बाजाया पुचःत, कलेज, ब्वनय्कुथि व ब्वनामिपुं नसा ब्वज्यासं दुतिडः चपुं संघ संस्थात, त्वः त्वालया पुचःत, बालमैत्री ज्या इवःत पिब्वयगु, ब्वनय्कुथि व ग्वाहालीमिपुं,

भक्तपुर जुजु धौ व्यवसायी संघ, सहकारी संघ संस्थात, कृषि उत्पादनया व्यवसायीपुं, व्यापार मेला दुतिपुं व्यापारी व व्यवसायीपुं, थीथी कासाया संघ संस्थाया पदाधिकारी व कासामिपुं जिल्ला प्रशासन कार्यालय भक्तपुर नपां जिल्लाया फुक्क सरकारी कार्यालय, सुरक्षाकःमिपुं, ट्राफिक प्रहरीपुं, नेपाल प्रहरीपुं, पर्यटक प्रहरीपुं, ग्वाहालीमिपुं, स्थानीय स्काउटपुं, निःशुल्क इन्टरनेट सेवा ब्यूपुं संस्था वर्ल्डलिंक प्रा.लि. नेपाल पर्यटन बोर्ड मिडिया पार्टनरत, भक्तपुर मिनिबस यातायात प्रा.लि., क्षेत्रीय मध्य उपत्यका बस व्यवसायी प्रा.लि., साइकल कनेक्ट भक्तपुर, पत्रकारपुं, चवसु च्वयो द्यूपुं (रचना कार पुं) च्वमिपुं, विज्ञापन दातापुं, स्थानीय महिला पुचः त, जनप्रतिनिधिपुं, कर्मचारीपुं व नगर प्रहरीपुं, खवप अस्पताल व प्राथमिक उपचार केन्द्रया स्वास्थ्यकः मिपुं नपां सकल नगरबासी दाजु किजा तता कहेंपुं नपां खानय् दयकः व खानय् मदय्क ग्वाहालीयापुं सकलें महानुभावापुं नपां महोत्सव स्वः भूः पुं सकलासिता खवप नगरपालिकां दुनुगलं निसें सुभाय देछाय् ।

लकस मिक: तयगु व फोहर थासय् लाकयगु खायँ असल अभ्यास
स्वयगु इवलय् बैठक (२०८१ पुस ४ गते)



स्वप महोत्सवया इलय् सन्ध्याकालय् स्वपया तःपुखू





ख्वप इन्जिनियरिङ्ग कलेज व ख्वप कलेज अफ इन्जिनियरिङ्गया
दुई छुट्टिं ज्या इवः (२०८१ पुस २८ गते)



ख्वप महोत्सवया इवलय 'सहकारी भावाज' बुलेटिनया पितछपज्या
(२०८१ पुस १ गते)